


成案質疑

賊盜十八

卷十八十七




九	二	四	八	漢書門
七	五	〇	八	
冊	架	函	號	類

九	二	四	八	漢書
九	〇	五	八	
函	冊	架	號	類


內閣文庫	
番號	漢 9248
冊數	75 (39)
函號	296 100

三十九



追毆白日偷斃竊賊

雍正十二年三月刑部會議覆長汀縣民巫漢光毆傷張應登身死一案據福撫趙疏稱緣巫漢光於洋田地方做有青靛積於湖池之內雍正十年十月初六日巫漢光見靛缺少又見地下遺有靛跡一路跟尋至張應登門首而止巫漢光進屋搜查見張應登床下藏有靛缸當即取出獲贓有據張應登無詞可辯伊妻陳氏浼房主張羽繡勸處情愿賠銀二兩張應登因無現銀寫立欠字為據巫漢光不依堅要原靛遂用繩拴繫張應登頸項欲行送官拉至己家時已夜深巫漢光又用繩拴其手腕期於次早送官迨至半夜張應登開門欲走巫漢光知覺執鋤趕逐將鋤頭頂傷張應登胸膈張應登頭撞巫漢光巫漢光又將鋤柄打其左皿盆骨并顙門偏右張應登傷重當即斃命巫漢光驚懼乘夜將屍背至劉田灌溪壩掩埋而回歷



審供認不諱將巫漢光依律擬絞監候等因具題巫漢光除埋屍輕罪不擬外應如該撫所題巫漢光合依罪人不拒捕而擅殺者以聞殺論律擬絞監候秋後處決所獲青龍應令該撫給還巫漢光家屬收領奉

旨巫漢光依擬應絞著監候秋後處決餘依議

白日行竊有人看守之物

乾隆元年二月刑部會議覆東莞縣民朱逸士毆傷李亞奴身死一案據廣撫楊 疏稱緣朱逸士販賣小鴨乾隆元年二月十二日挑鴨赴塘頭墟售賣李亞奴向朱逸士問價遷延窺伺迨朱逸士與別人講價李亞奴乘間偷竊小鴨一隻而走朱逸士知覺趕前拉住問取李亞奴不肯給還朱逸士用拳毆打李亞奴左脇李亞奴仍不肯交回朱逸士復用拳毆李亞奴右脇李亞奴傷重倒地維時舖民袁亞二聞嚷奔救不及朱逸士拾鴨走回墟約林巨良趨至見李亞奴傷重慮干人命即將朱逸士縛交袁亞二看守往尋熊胆回救詎李亞奴業已殞命屢審不諱將朱逸士依律擬絞監候等因具題應如該撫所題朱逸士合依罪人不拒捕而擅殺者以聞殺論律擬絞監候秋後處決奉

青朱逸士依擬應絞着監候秋後處決餘依議

白日在山偷柴事主打死

雍正十年十月刑部議覆江撫謝 疏稱緣雍正九年六月初四日
周庚在喻富山上盜砍柴薪喻富上山望見遂走近山腰喝問不答
又見盜砍不已拾石二塊向擲適中傷周庚右乳額顛倒地喻富始
知爲周庚扶至家中調治不痊越二日殞命將喻富擬以絞抵等因
具題喻富應炤罪人不拒捕而殺者以聞殺論律擬絞監候奉

旨依議

白日在山盜木事主打死

雍正九年十二月刑部會議覆永春縣民林寶致死林賢一案據福撫趙疏稱緣林賢搭架瓜棚之木應用於雍正九年五月十六日傍晚時候逸同林鰲陳宇林藩往林寶木山盜砍適有林寶族人林立經過聞砍木聲嚮報知林寶林寶帶竹銃上山巡查望見有人卽將竹銃點放意圖嚇退不期中傷林賢胸膛左乳右脇倒地林鰲等驚懼俱各跑散林賢傷重當卽殞命歷審供認不諱將林寶擬絞林鰲等擬笞等因具題應如該撫所題林寶合依罪人不拒捕而擅殺者以鬪殺論律擬絞監候秋後處決該撫旣稱林鰲陳宇林藩係同林賢盜砍杉木俱照竊盜已行而不得財爲從律笞四十免刺先行折責發落等語應無庸議奉

旨林寶依擬應絞着監候秋後處決餘依議

奪過賊棍毆死竊賊

雍正五年十一月刑部議覆福撫毛 具題林和縣民林探毆死不
 知姓名流丐一案查雍正四年二月初六日流丐在林探家求乞卽
 竊其鷄而去林探追至跌馬地方在流丐蒲包內認獲原鷄不肯付
 還反以拄棍毆林探林探奪棍以棍撞傷流丐心坎胸膛奪鷄而回
 初七日林探見丐死在族人田邊遂商同林貌于是夜將屍抬至山
 僻歷審不諱除林探移屍輕罪不議外林探應比照無故入人家已
 就拘執擅殺者律杖一百徒三年至配所責四十板林貌合依地界
 內有死人輒移他處為從律杖七十已經折責發落無容議奉

旨依議

打死竊賊

乾隆四年六月刑部會議覆劉義榮等毆傷楊澤身死一案據巨督孫疏稱緣劉義榮與楊澤誼屬爪葛楊澤偷竊劉義榮鎌刀一把賣與廢鐵攤上經劉義榮認明贖回將楊澤責打而息後劉義榮將門扁鎖前往口外回家見所貯豆麥刀鏟等物被竊劉義榮因楊澤熟悉伊家又會竊伊鎌刀疑係楊澤所竊見伊查問楊澤張皇躲避劉義榮益疑起意毆打究贓下落適有于萬福至家劉義榮邀伊幫打應允劉義榮遂藏帶把棍于萬福徒手撞過楊澤劉義榮向究楊澤即欲逃走劉義榮赶上拉住用棍毆其腿上復解腰帶套結因楊澤持有防犬木條恐其架招卽行奪取打傷左臂七處楊澤仍不招認劉義榮掠棄木棍擰轉楊澤脰膊令解帶綁伊手腕劉義榮復用把棍在伊兩腿疊毆楊澤隨認竊豆麥等物于萬福見其承認用言

勸解釋放回家楊澤傷重殞命屢審不諱將劉義榮擬絞于萬福擬杖等因具題應如該督所題劉義榮合依罪人不拒捕而殺以鬪殺論律擬絞監候秋後處決于萬福合依餘人律杖一百折責四十板奉

旨劉義榮依擬應絞著監候秋後處決餘依議

雖持挑先毆旋被奪挑還毆致死不作拒捕

乾隆七年三月刑部會議覆順昌縣民連定基毆傷吳永傑身死一案據福撫王 疏稱緣連定基有山場一片栽種毛竹乾隆六年二月二十八日吳永傑與族弟吳永保往山砍柴而歸從連定基竹山經過吳永傑順便竊取毛笋數條置于柴担上挑回適連定基往山巡視遇見輒詈吳永傑行竊吳永傑爭辯連定基奪其扁挑吳永傑抽出扁挑毆傷連之基右額角連之基奪過扁挑回毆吳永傑顛門之右吳永保見兄被傷奔救舉挑欲毆連之基用挑格開還毆吳永保頭上吳永保護痛退後吳永傑械詈連之基又以扁挑橫毆吳永傑臍肚吳永傑倒地連之基心慌棄挑而遁吳永保奔報吳永傑親弟吳永豪同往扶回吳永傑傷重至三月初七日殞命屢審不諱查吳永傑雖首先持挑打傷連定基額角但連定基奪過扁挑則吳永

刑案彙編 卷十八
傑已無所恃以逞其兇悍乃連定基輒毆其致命顛門這吳永傑負傷穢言並未復思拒毆而連之基又毆其致命臍肚斃命是兇悍之勢在連之基而不在吳永傑矣將連之基擬絞監候等因具題除連之基毆傷吳永傑輕罪不擬外應如該撫所題連定基合依罪人不拒捕而擅殺者以鬪殺論律擬絞監候秋後處決該撫既稱吳永傑護兄趕毆已被連之基格開並未中傷從寬免議吳永傑竄無幾應免追貶等語均應如該撫所議完結奉旨連之基依擬應絞着監候秋後處決餘依議

竊賊先受重傷最後下手之人雖傷致命以爲從論

雍正十二年五月刑部會議覆增城縣民朱偉太等砍傷羅上燕身死一案據廣撫楊 疏稱緣雍正十年十二月十五日羅上燕同賴秤生李發清三人往山採樵路由甘崗山經過羅上燕見山內所植杉木長大起意偷竊與賴秤生李發清各砍一株適有牧童陳亞長在山望見回家報知朱偉太朱偉太執持挑刀同陳亞長往山追趕朱偉太工人唐亞興亦隨後往助朱偉太行路快捷先至山上賴秤生李發清棄杉逃遁羅上燕負杉奔走朱偉太追及將挑刀戳其脊脅背右鼻梁羅上燕棄杉于地欲將扶手杉尾與朱偉太對敵朱偉太復用挑刀砍其頂心至偏左維時陳亞長趕至亦拾山上柴棍從旁毆傷羅上燕右手背將上燕杉尾擊落亞長隨即躲開朱偉太又以挑刀砍羅上燕右手背羅上燕向前奪刀朱偉太又舉刀砍傷羅

上燕頂心羅上燕低頭拾石朱偉太又砍傷羅上燕腦後倒地磕傷額顱腮朕朱偉太仍以刀砍其左太陽及偏左羅上燕覆身上比唐亞與甫至朱偉太又令唐亞興戮其一刀看其是否已死唐亞興聽從接刀戮羅上燕脊背羅上燕傷重登卽殞命歷審各認不諱查羅上燕先被朱偉太砍戮十傷致命八處必無生理唐亞興後接刀戮其致命脊背一下雖係最後下手但唐亞興係朱偉太工人事由家長主使與其毆人者不同將朱偉太等擬以絞流等因具題應如該撫所題朱偉太合依罪人不拒捕而擅殺者以問殺論律擬絞監候秋後處決唐亞興應照威力主使人毆打致死者以下手之人為從論律僉妻流三千里至配所杖一百折責四十板該撫既稱陳亞長應照餘人律杖一百年未及歲照律收贖同往偷杉之賴秤生李發清均合依盜田野穀麥准竊盜已行不得財律為從減一等笞四

十折責十五板免刺俱先收贖折責發落等語均無庸議奉

旨朱偉太依擬應絞着監候秋後處決餘依議

事主毆斃竊賊屍兄受賄私和

乾隆四年十一月刑部咨據署廣撫王咨稱羅定州民梁季英等毆傷竊賊李寅孫身死私埋賄和一案緣李寅孫寄居姊夫袁水養家傭工度活乾隆三年二月十一日早梁季英家內男婦悉往田工作李寅孫經過忽生匪念割開門簾入室竊取衣物出至寨外莫朝亮撞見向問不答而走梁季英歸家知覺因地保住居隔遠未及投明告知隣人陳亞戊往外躡緝途遇莫朝亮備告前情莫朝亮卽謂早辰曾見李寅孫携有衣物自寨奔出形狀慌張必係李寅孫行竊梁季英卽許給花紅俛同查拿適梁季英妻姪鄔帝昇來探梁季英卽與陳亞戊隨行站立袁水養門首莫朝亮梁季英入室查問袁水養不知李寅孫行竊喚問李寅孫不認袁水養卽令搜查梁季英莫朝亮在於李寅孫箱內搜獲原贓卽令莫朝亮擱住李寅孫交給鄔

帝昇扭住送官李寅孫不走出言混罵陳亞戊用拳打傷李寅孫左
胎膊左乳李寅孫亂掙欲圖脫走鄔帝昇又用拳打傷李寅孫項頸
梁季英亦扳圍園小木棍打傷李寅孫右手腕李寅孫掙脫欲逃梁
季英復用棍一擊適傷李寅孫腦後李寅孫坐地梁季英拉起令鄔
帝昇陳亞戊扶李寅孫送州稟究行至中途李寅孫傷重臥地不起
旋即殞命梁季英懼罪因值黑夜遂與陳亞戊等商量將屍掩埋梁
季英回取鋤頭令鄔帝昇挽起李寅孫屍首梁季英背至埗口岡放
在新遷廢塚坑內鋤土掩盖各歸十三日袁水養往莫朝亮家探問
李寅孫信息莫朝亮告知已死已埋十五日袁水養報明李寅孫服
兄李亞長李亞長卽同袁水養往投地保具控途遇李友丹詢知情
由囑令緩告待伊講和李亞長索銀二十兩袁水養索銀十兩李友
丹復與李亞長言明如有餘銀聽伊分派李亞長允諾李友丹又恐

莫朝亮聞知啓爭往囑莫朝亮隱諱莫朝亮索銀二十兩十六日李
友丹往見梁季英言李亞長欲控經伊勸阻索銀二百兩處息梁季
英畏罪許銀五十兩李友丹以人多銀少不敷分派囑令再行商酌
梁季英素知鄔帝昇姨夫生員余昂與武舉譚會三交好而譚會三
係李友丹母舅遂浼余昂往邀譚會三同求李友丹減銀李友丹不
允余昂譚會三卽偕李友丹赴梁季英家議定梁季英出銀一百四
十兩李友丹允從二十三日梁季英等齊集譚會三書館李友丹代
李亞長捏寫領回李寅孫約束領約交與梁季英收執梁季英將銀
交給李友丹接收而歸李友丹將銀分給李亞長莫朝亮各得銀二
十兩袁水養得銀十兩余昂譚會三各得銀三十兩餘銀三十兩入
已其事遂寢經該州逮英訪聞拘訊間又據屍親李碧等控州檢明
屍傷查開武舉譚會三生員余昂中式入學年分名數咨革屢審供

認不諱查律載夜無故入人家已就拘執而擅殺傷者減聞殺傷罪二等至死者杖一百徒三年又例載黑夜偷竊或白日入人家內偷竊財物被事主毆打致死者仍照律擬徒各等語今梁季英因竊賊李寅孫出言混罵又掙脫欲逃梁季英持棍毆傷腦後扶至中途殞命正與事主毆打致死仍照律擬徒之例相符梁季英除行求私埋各輕罪不擬外應照已就拘執而擅殺律杖一百徒三年至配所折責四十板陳亞成鄔帝昇係先行下手拳打李寅孫除私埋為從輕罪不擬外均應依其毆餘人律仍照已就拘執擅殺者減罪二等杖八十各折責三十板李亞長係李寅孫總麻服兄得銀二十兩私和除受財輕罪不議外合依總麻卑幼被殺私和律杖九十折責三十板李友丹余昂譚會三說事過錢又各分得銀三十兩應從重科罪李友丹余昂譚會三除說事過錢首從各輕罪不議外均合依枉

法贓三十兩杖八十徒二年無祿人減一等律各杖七十徒一年半至配所折責二十五板徒罪各犯均俟徒限滿日遞回原籍交與地方官嚴加管束莫朝亮得銀二十兩合依枉法贓二十兩杖六十徒一年無祿人減一等律杖一百折責四十板袁水養審無知情窩竊其不行勸阻又分銀十兩兩罪相等從一科斷合依枉法贓一十兩杖九十無祿人減一等律杖八十折責三十板地保陳顯聖雖無受賄隱匿但不行查實稟報答亦難辭合依不應重律杖八十折責三十板杖罪各犯均遇執審照例先行分別減等折責發落各犯所得贓銀照追入官李寅孫行竊梁季英衣物經主獲回毋庸追賠屍親李碧等先行摘釋李亞長假立領約塗銷附卷梁季英行兇木棍一條據供丟棄無憑起追李寅孫屍棺飭令屍親領埋擬合咨達等因前來均應如該署撫所議將梁季英等充徒杖責完結李亞長等各

名下所得賍銀應令該署撫照追入官並知照禮部兵部可也合咨
前去查照施行

白日在地偷驢拒捕被事主毆傷致死事主照拘執擅殺律擬徒
雍正十一年四月刑部議覆蠡縣民李曉卽李二香干偷竊旂人任
傑卽任月萬驢頭被毆身死一案據直督李咨稱查任傑係廂白
旂包衣牛彖下與民人李曉隔村居住素不相識李曉原係匪類曾
于康熙五十年間在本縣地方與董臘八兒同赴蘇庄頭家行竊并
往回安縣地方偷竊均未得賍當被事主撞獲雍正九年八月十一
日傍晚任傑與工人楊五在地種麥將驢頭拴於地邊坎上適李曉
路過見有驢頭無人看管卽竊騎而逸當被楊五窺見喊叫任傑聞
聲持棍赶上拉扯下驢用拳毆傷李曉左眼胞因李曉反稱截奪又
掌批其左腮朕因李曉還毆又用拳毆其心坎并川棍毆傷右腿當
經楊五趕赴認係李曉卽行勸止任傑遂將李曉帶至村中李曉傷
重頒命當遠鄉地屍親人等呈報經該縣張鴻緒驗訊通詳并申刑

部歷審不諱查康熙五十九年九月定例嗣後如有黑夜偷竊或白日入人家內偷竊財物被事主毆打致死者仍照例擬徒等語又康熙五十五年五月內准部咨覆三河縣民楊士智至平谷縣擡頭庄白晝在地內偷竊高應龍之鴨被應龍撞遇拿獲拒捕持棍毆傷太陽腰眼等處傷重致死將高應龍照已就拘執而擅殺律徒三年至配所杖一百折責四十板等因在案今任傑毆傷李曉致死之處雖非黑夜亦非在于家內但時值初晚與黑夜無異并與白日行竊被事主毆打致死照律擬徒之成案相符任傑合依已就拘執而擅殺律杖一百徒三年係旂人照例枷號四十日鞭一百等因前來應將任傑等俱如該督所議完結可也

白晝偷鴨照夜入人家已就拘執擅殺律杖徒

康熙五十五年 月刑部議覆平谷縣高應龍毆傷三河縣偷鴨賊犯楊士智身死一案先據直督趙印燮咨稱楊士智于康熙五十三年七月初一日前往平谷縣擡頭庄偷竊高應龍之鴨被應龍撞遇拿獲士智輒持鐵尺拒毆應龍情急持棍亂擊以致士智受傷身死將高應龍照已就拘執而擅殺律擬以杖徒等因咨部本部以先經訊據高應龍供稱六十兒看見楊士智偷鴨叫伊同張廣樂將士智拿住用柴棍毆打况屍格內傷痕甚多今稱應龍一人拿獲士智到家毆死與前供互異且士智在白晝偷鴨並非負夜今照夜入人家已就拘執擅殺律擬情罪不符駁令究審正情妥擬具題再議等因咨行去後今據該督咨稱研訊六十兒張廣樂堅稱當日應龍毆打士智之時一係在地割草一係地內鋤地實未同毆卽質之高應龍

亦稱六十兒等並未同打其在部所供同打之語因平素與六十兒等不睦并挾不與盤費之嫌是以妄扳至楊士智傷痕甚多之處因當日士智被獲之時猶敢持械拒毆以致應龍情急連毆致斃矢口不移未便以屍傷甚多卽為同毆之左券查律載凡夜無故入人家內已就拘執而擅殺者杖一百徒三年是所重在夤夜無故擅入其事可驗其心叵測故不論彼之拒敵與否而但論此之已拘擅殺者律以杖徒若主家係登時殺死又當勿論推律之意蓋原其倉猝懼禍之心所以寬其罪也今楊士智偷竊高應龍家之鴨被應龍撞遇拿獲士智輒持鐵尺拒毆應龍情急拾棍擊傷身死雖係白日非黑夜可比但士智預備鐵尺白晝偷人之鴨于捉獲之時又敢拒敵較之夤夜潛形隱面入人家內者情罪更重應龍因其拒敵故爾回擊似與已就拘執擅殺者有異而與律載罪人持仗拒捕格殺勿論之

條畧同茲不過因其白日致死故未便遽議寬免高應龍相應仍照前議杖徒等因咨覆前來高應龍應如該督所議完結 謹查竊盜持仗拒捕雖有白日黑夜之分而事主格殺均應勿論何必以白日比律擬徒

向日赴人場內竊取麥稽事主推跌致死照擅殺律科斷


雍正七年十二月刑部會看得雄縣民謝瑚控告新城縣旂人朱八印朱秉寬將伊堂姪謝好禮打傷身死一案據直督唐 疏稱緣雍正五年十二月十六日謝好禮帶病潛入朱八場內竊取麥稽朱八家人徐四撞遇奪筐將謝好禮推跌致傷鼻梁鼻準人中等處好禮復起奪筐徐四復推跌致傷好禮左右額角左右面上等處好禮仆地不能復起徐四遂邀同卜六扶送好禮歸家併出錢六百文煩卜六轉給以爲調養之資詎好禮受傷次日殞命屍妻張氏欲赴雄縣往告族人徐四央地方張仁攔回給張氏錢一千五百文買棺抬埋隱匿不報迨至二十五日張氏往告屍叔謝瑚二十九日始據鄉長姚五年併謝瑚呈報到縣檢明屍傷張仁因謝瑚回籍以張氏女流嚇令張氏以伊夫凍餓自跌身死并王大話教唆等詞呈首朱八亦

以王大話等訛詐不遂捏詞具控嗣因謝瑚堅稱好禮係被毆身死屍傷均屬不符復委定興縣覆檢出謝好禮屍骨左領頰右廉朋跌踣傷二處歷審供認不諱將徐四擬絞地方張仁旂人卜六朱八均擬徒罪姚五年等擬杖等因具題徐四合依罪人已就拘執而擅殺者以鬪殺論鬪殺者絞律擬絞監候張仁卜六俱合依証佐不言實情減罪人罪二等律各杖一百徒三年張仁係民至配所折責四十板仍革役卜六係旂人折柳號四十日鞭一百朱八即朱秉寬控告王大話等索詐小麥二十石計值銀二十兩如所告得實王大話應照恐嚇取人財者計贓准竊盜論加一等二十兩杖九十律治罪今審屬虛應照律加誣罪三等杖七十徒一年半係旂下生員應革去生員照例折柳號二十五日鞭七十該督既稱姚五年不行查報作李寬驗報不實俱合依不應重律各杖八十姚五年年逾七旬照

律收贖李寬折責三十板已經發落俱革役等語應無庸議再該督疏稱檢驗不實之署新城縣孫酉相應指參等語查定例官員檢屍聽信作將傷痕不行全報少報者降一級調用等語今謝好禮屍骨右領頰右廉朋跌踣傷二處該縣孫酉初次並未檢出不合應將檢驗不實之署新城縣孫酉照例降一級調用奉旨徐四依擬應絞着監候秋後處決餘依議其因檢驗不實之降職試用知縣孫酉詢問該督若係才具可用之員着令奏聞仍留本省酌量補用如辦事平常送部請旨

撞遇偷竊高糧婦女推跌致死照擅殺律科斷

雍正十一年七月刑部會看得平山縣民孫超推跌安民山之妻張氏落溝身死一案據協直督顧 疏稱雍正九年八月十八日張氏攜筐在孫超地內偷掐高糧被孫超撞見奪筐理責張氏反行扭結詈罵復以頭撞孫超用手推攘致氏失足墮入溝內跌傷兩肱肘及左膝處所且因懷孕氣鬱當卽殞命孫超卽潛赴族弟生員孫用中家告知前由而回孫超之堂姪孫黑兒亦經聽聞屍夫安名山因妻外出未歸赴地尋覓見張氏身屍以伊妻患病初起并身懷胎孕意係自行失足落溝跌傷所致卽將屍背回掩埋迨十月二十六日有監生孫中興至孫用中家借錢用中談及張氏致死情由中興卽向安名山告知名山控縣因孫超稱係孫中興等挾仇誣陷隨將監生孫中興生員孫用中衣頂咨革始據孫超供出前情歷審不諱按擬



具題應如所題孫超合依罪人已就拘執而擅殺者以鬪殺論律擬絞監候孫用中孫黑兒均照知人謀害他人不首告律杖一百孫用中係孫超無服族弟照律減一等杖九十孫黑兒係孫超小功堂姪照律減三等杖七十孫用中罪非滿杖應與審係無干之孫中興所革衣頂均照律准其開復應准其開復孫用中所擬杖罪仍照例折贖孫黑兒先行折責發落應毋庸議再該縣徐士俊因伊夫安名山意伊妻自行失足身死不行稟報以致失于覺察後即據報詳究已經本案審明應照例免議奉

旨孫超依擬應絞着監候秋後處決餘依議

毆傷偷拔麥穗婦女墮胎致死照擅殺律科斷

雍正十一年二月刑部會看得景州民路愷毆傷萬進才之妻劉氏墮胎身死一案據直督李 疏稱雍正十年五月十七日劉氏偷拔路愷地內麥穗路愷撞遇奪取劉氏詈罵路愷即用手持裝錢布袋打劉氏胸膛右肋脊背等處詎劉氏懷孕受傷回家次日生產二女未育劉氏傷重醫治不痊越十日殞命歷審供認不諱將路愷擬絞等因應如所題路愷合依罪人不拒捕而擅殺者以鬪殺論絞律擬絞監候秋後處決奉

旨路愷依擬應絞着監候秋後處決

有晚在地偷麥被毆致死

雍正九年五月刑部覆直督唐 咨正藍旂蘇不合佐領下王宗堯
鋤傷易州民劉德祥身死一案緣雍正八年五月初三日劉德祥往
楊威城村地內耕種傍晚在王宗堯地內偷麥被王宗堯看見喊叫
劉德祥遂持鋤追趕王宗堯拾土塊擲傷劉德祥右血盆骨德祥復
追王宗堯又拾石擲傷其左血盆骨德祥復欲起趕王宗堯遂奪鋤
擊傷其頂心偏左并髮際二處棄鋤而遁劉德祥立時殞命將王宗
堯比照夜無故入人家已就拘執而擅殺律杖一百徒三年係旂人
鞭一百枷號四十日劉德祥屍棺責令屍子劉福春領埋等因咨達
前來應如該督所議完結

盜賊窩主

強盜已行不得財

康熙四十六年五月刑部議盜犯高敬廷等一案據護浙撫武國楹
審擬斬流前來查高敬廷等先雖上盜因事主知覺叫喊即奔回去
餘盜復劫並不同行又不分贓今承審官照強盜得財律擬罪與律
不符高敬廷等應改照凡強盜已行而不得財律杖流姚大合依強
盜窩主若不同行又不分贓律杖流顧錫臣合依知人犯罪事發送
令隱避者減罪一等律應杖流至此案應擬流罪錯擬斬罪之處應
令該撫查叅到日再議奉

旨依議

窩主參盜殃民

雍正七年六月刑部議覆江省震澤縣叅革舉人金去疾卽金士吉窩盜立碑拒捕及已革武生周雍民與吳氏卽雌老虎等窩賊分贓一案據浙督李 疏稱原叅金士吉窩盜立碑拒捕之處審據另案盜犯陸二供金士吉窩藏別案正法盜犯吳聖玉等四人及已發遣之沈長三等在家又請存奉師周星若教習奉棒吳聖玉等于康熙五十八九年每年共送金士吉年規銀一百兩等語則金士吉之窩盜是寔又因盛聖祥被捕役徐文若誣盜索詐多金金士吉教唆聖祥控告經曹贊臣等調停和息徐文若吐還所詐之銀金士吉得銀十四兩詎士吉復乘機借捕役誣良之說哄動地方以陸君升爲首捏詞誑官監碑永禁不許捕役入境拏賊每家科歛銀二兩不等共派銀七十一兩零又勒令劉容若多出銀六兩容若不允金士吉

卽令震澤縣差役姜受誑稟阻撓立碑巡司差役丁升拘拏經汝宗
範等說合劉容若出銀二十四兩錢二千文宗範得銀四兩四錢鄭
國翰得銀一兩六錢丁升得銀八兩姜受得銀五錢餘銀及錢金士
吉入已已據各犯供明又原叅周雍民窩盜搶盜之處訊據捕役張
太供康熙六十一年七月初十日拏獲另案盜犯費二有周雍民令
僕岑二等往見許銀囑放我不會允雍民卽令岑二費大等將費二
搶回等語復關訊費大供張太捉去費二是周雍民糾人奪回後來
謝他二十兩銀子等語并據周雍民之子周元公亦認伊父交結匪
類是寔則周雍民之庇盜婪贓拒捕是寔又原叅沈吳氏卽雌老虎
與鈕吳氏窩留匪賊縱子夥竊分贓之處審據各犯供沈吳氏先因
吳江沈四人命被捕役馬祥獲鎖在家襖鎖脫逃復取留擬流遇
赦免罪之曹大爲乾兒子與伊親生之子沈阿長并徐子玉等夥同行竊

坐地分贓及徐子玉等偷猪事發沈吳氏出銀一兩二錢囑令捕役
沈賢將徐子玉等釋放鈕吳氏有子鈕阿倫并吳天祿鈕子加等夥
同行竊嗣因鈕子加等偷猪事露鈕吳氏出銀八兩給地棍楊煥卿
調停賄寢沈吳氏鈕吳氏又各將已子繼與夥蠢朱俊生爲子俊生
遂通同料理賊情誑騙銀兩等情已據各犯供明又原叅姚寡婦窩
藏賊犯姚天生等恣爲盜賊之處審據各犯供姚寡婦窩留賊犯姚
天生鬚三老等與伊子姚大弟日則沿鄉釘碗磨鏡爲名夜則夥同
行竊是實等情已據各犯供明至金士吉收監伊僕陳增福帶夾棍
藥進監之處審據陳增福供係沈旦甫吳三來向碩炳中買來交伊
轉送等情將曹大等按擬具題除金士吉周雍民吳天祿在監病故
岑二丁升費二等均押候在外病故不議外曹大先經毆死潘世美
擬絞秋審減等擬流遇

赦免又復投拜沈吳氏為母恣意行竊情罪可惡應如所題曹大仍照原題流罪加倍擬絞監候沈吳氏鈕吳氏姚寡婦俱合依窩藏竊盜五名以上例發邊衛充軍係婦人各決杖一百餘罪收贖但沈吳氏等集匪害民若釋放必仍復為窩應將沈吳氏等俱刺字發回原籍永遠監禁遇

赦不准援免朱俊臣身為縣書通賊走線養窩害民尤屬可惡朱俊臣亦應照窩藏竊盜五名以上例僉妻發邊衛充軍至配所責四十板費大合依官司差人捕獲罪人聚眾打奪為首律僉妻流三千里至配所責四十板沈阿長鈕阿倫等俱係鼠竊積匪應各枷號兩個月責四十板押發原籍帶牌掛鈴充警三年無過取保釋放頭炳中貨賣夾棍藥應枷號兩個月責四十板陳增福等買藥轉送應各枷號一個月責四十板陸君升聽從金士吉指使為首且呈立碑應照

重律杖八十陸君升雖年逾七十係盜案知情之人照例不准收贖周星若教習拳棒合依違

制律杖一百汝宗範鄭國翰俱合依恐嚇取人財者計贓准竊盜論加一等二十兩杖八十律各杖八十沈寶姜受均合依在官人役取受有罪人財計贓以枉法論一兩以下杖七十一兩至五兩杖八十無祿人減一等律沈寶應杖七十姜受應杖六十均革役曹二等雖無為匪寔據但伊各父兄為匪曹二等亦非善類應各取保安插盛世祥劉容若均係無辜應免議脫逃之楊殿卿鈕子加等獲日另結已獲各贓查明給主金士吉等所詐劉容若銀兩係容若告發應着落金士吉家屬追給容若收領其案內得贓各犯俱係籍隸江省應行令蘇撫嚴飭各地方官照追入官失察衙役朱俊生等犯贓之震澤吳江二縣及巡司各職名照例查叅所立石碑速飭銷燬報部奉

旨依議

窩盜之家兄弟二人皆擬發遣

雍正十三年閏四月刑部議覆東撫岳 疏稱盜犯張雲等窩留趙
 如栢趙如松家于雍正十年正月十九日外出為匪經過沂州踴知
 事主王嘉賓家有積蓄張雲起意行劫各盜允從于二十六日夜在
 曠地聚齊分執扁担鞭棍等械紮縛軟梯二更時分由事主西屋夾
 道躡梯而進撞開前門龐剛張獻章查世魁王小旦田四孟三在院
 把風張雲內外瞭望李三劉明子用磨撞開東屋門事主義子王本
 持叉出禦孟三用杆打倒李三劉明子將王本網綁李三用棍毆打
 李黑文劉明子復將事主之媳唐氏細綁劉明子用鎗杆擊傷唐氏
 右手指逼索銀錢李三劉明子復撞開堂屋門及東西屋門搜刮衣
 物事主王嘉賓由後窓奔逃各盜聞救援聲急張雲攜抱事主幼子
 劉明子李黑文架王本送路各盜分攜贓物俱由大門而出至庄後

放回各盜奔至山溝分贓而散該州據報飭緝唐氏因傷受病身死
嗣經東阿縣盤獲張雲龐剛李三孟二移解該州收審又經該州關
取鄒縣獲禁查世魁李黑文等口供到案審擬具題查該撫既稱此
案張雲爲首孟三李三細縛事主義子王本李黑文細細事主之媳
俱行劫共十案已經關會明確龐剛等雖此案跟隨上盜並未傷人
但龐剛亦行劫共十案查世魁亦行劫共三案均屬法所難宥等語
張雲龐剛孟三李三查世魁俱合依強盜殺人不分會否得財例擬
斬立決梟示俱照例于各被獲監禁處正法仍于行劫處所張掛告
示諭衆知之李黑文亦應照強盜殺人不分會否得財律擬斬立決
梟示但李黑文現在鄒縣監禁尙有行劫各案應俟各案審明于獲
禁處正法窩家趙如栢趙如松俱合依強盜窩留三人以上發三姓
地方例僉妻解部面上刺字遵照雍正十一年題定發齊齊哈兒等
處給兵丁爲奴種地現在鄒縣監禁已經查案關明應歸鄒縣杜宗
淥案內僉妻解部發遣已獲贓物給主未獲贓物盜產變贖脫逃之
劉明子張獻章王小旦田四嚴拏獲日另結奉

旨依議

窩盜三人以上之犯分別發遣

乾隆三年十二月刑部會議覆強盜李二等行劫沛縣陳天更家一案據署蘇撫許疏稱緣盜首李二郎李祥又名李元與窩犯宋三熟識卽窩住宋三家內後探知事主陳天更家有銀兩起意行劫糾約張二宋二李四卽李桂高二卽程起周又名高大劉娃卽劉見等共夥六人于乾隆元年四月初七日晚在窩犯宋三屋後會齊分執火械二更時分齊至事主門首宋二在外把風高二越牆進內開門放入衆盜李二劉娃打開堂門同衆進屋李二吹火照亮劉娃按住事主向索銀錢未得卽用鉄棍毆打事主右胳膊左脇肋下搜劫衣服麥豆并牽牛驢各一頭回至宋三家將衣物俵分牛驢未及變分卽據事主報縣捕獲李二等賊供並確屢審不諱將李二張二宋二李四高二均擬斬決刺字窩犯宋三擬遣并聲明李二張二李四高

二法所難宥于另案正法宋二情有可原本案完結等因具題該撫既稱盜首李二又于行劫劉譜吳釗陳廷棋三案有名高李四又于行劫劉譜吳釗陳廷棋楊廷四案有名均係行劫三案以上法所難宥楊廷一案現在另疏具題劉譜等各案尚未審明各犯均應俟各彼案審明從重于現禁地方正法宋二係跟隨盜首而行並未傷人亦無行劫別案情有可原應于本案完結等語應如該撫所題李二張二李四高二均應照強盜已行得財不分首從律擬斬立決仍于被獲處嚴行監禁俟行劫劉譜等各案審明另行題請正法宋二應免死減等照例刺字遵照乾隆二年七月二十日題定之例查明如有妻室即命妻解部發寧古塔等處給披甲人為奴如無妻室即酌發雲貴川廣極邊用重地與地方官嚴行管束該撫既稱各犯審無同居親屬

知情分贓等語應毋庸議已獲贓物給主未獲贓物將各盜家產變賄脫逃傷人夥盜劉娃應令該撫勒限嚴緝務獲審擬具題再該撫疏稱此案高犯宋三應照強盜高主知情存留三人以上充發三姓地方遇

赦不准援免仍遵例酌發雲貴川廣極邊烟瘴地方該犯于楊廷案內窩盜兩案情罪相等應于此案獲禁地方歸結等語查乾隆元年五月初六日經總理事務王大臣原議民人有犯如強盜免死減等及窩留強盜三人以上之犯改發雲貴川廣極邊烟瘴地方其各項平常發遣之犯酌發雲貴川廣烟瘴少輕地方等因嗣于乾隆二年七月二十日九卿又遵

旨定議嗣後民人有犯強盜情有可原免死減等者強盜行劫數家止首一家者夥盜供出首盜所在即時拿獲者竊盜臨時拒捕殺人為從

者偷創墳墓二次者並未賣身旂下謊稱賣身者民人謊稱旂下逃人者民人假稱逃人具告行詐者民人賣逃買逃者以上九項遣犯查明有妻室者照舊例僉妻發寧古塔等處給披甲人爲奴如無妻室者伊等無家可戀應將此等無妻之遣犯并其餘各項犯遣民人悉行遵照乾隆元年定例改發雲南貴州四川兩廣等省分別極邊烟瘴與酌發烟瘴少輕地方等因俱經奏准通行在案惟民人窩盜三人以上之遣犯未在九項之內查窩盜三人以上之遣犯情罪較重若照其餘各項犯遣民人例改發烟瘴少輕地方則與乾隆元年原定改發極邊烟瘴地方之例未符如照九項遣犯例查明有無妻室分別發遣則乾隆二年九卿原議內未經聲明遇有此等案件碍難援引臣等詳加酌議請嗣後民人窩盜三人以上之遣犯應照九項重遣犯之例查明有無妻室如有妻室者改發寧古塔等處給披甲人爲奴如無妻室改發發雲貴川廣極邊烟瘴地方交與地方官嚴行管束庶爲允協俟

命下之日將此案窩盜三人以上之遣犯宋三行令該撫查明有無妻室分別發遣仍通行各省督撫一體辦理奉

旨依議

各盜潛避伊家雖不知清照律擬杖

康熙二十八年二月刑部會看得薛雅等行劫林得等家一案據福
撫張 審擬斬罪具題查薛雅等同夥十人謀劫林得家于康熙二
十六年九月二十六日夜各盜持械行至中途張華因病未去止薛
雅等九人打開竹籬而入因林得等五家住址相連同被劫掠事主
叫喊各盜潛避于吳氏家中巡兵擒獲薛雅等七盜該撫歷審情真
薛雅等俱合依強盜已行得財者不分首從皆斬律均應斬立決所
獲贓物給主逸盜楊三子林轉張華嚴緝獲日另結吳氏雖審不知
情亦應照律擬杖但事在

赦前應免罪再此案承問官計逾七十日照例議處奉

旨這臺灣解審非內地可比逾限各官着免察議餘依議

容留來歷不明之人

康熙五十年六月刑部准提督陶和氣送唐二等偷不認識人衣物唐二十照竊盜經一兩以下杖六十各責二十板刺字開店容留唐二等居住之江六照容留無業離却地方遊手來歷不明例責二十板奉

百知道了

存留盜犯

雍正九年 月刑部議覆李弘生等行劫劉黃台家一案據河督田疏稱弘生與李坤生劉文顯曹思玉曹乾次俱在曹時可家居住種地李弘生知劉黃台家資豐裕起意行劫各盜依允至期李弘生曹思玉劉文顯曹乾次李坤生劉二娃曹祖佑曹祖喜同夥八人分執扁担木棍等械齊至事主之莊李坤生劉二娃把風李弘生撬開大門同劉文顯等進院事主驚起開門出視李弘生等進屋曹祖喜曹乾次曹思玉捉拏事主用繩細縛復持板橈撞開事主之子劉盛吉房門進內將劉盛吉夫婦子女一併細縛劉二娃在外聽聞細人先行跑回李弘生曹祖佑曹祖喜曹思玉曹乾次搜劫錢衣糧食等物而出奔至山坡分贓而散旋經拏獲李弘生等審認不諱除曹乾次畏罪縊死劉文顯曹祖佑李坤生劉二娃在監病故取具甘結送

部外將李弘生等擬以斬決具題李弘生曹祖喜曹思玉合依強盜得財律均應斬立決曹時可合依強盜窩主存留三人以上例僉妻解部轉發三姓地方給披甲人爲奴所獲贓物給主未獲贓物盜產變賠地保余宗堯周惟隆俱合依懈于稽查例責四十板革役先行發落劉黃台住居山僻未設汛兵均毋庸議監斃盜犯四名之管獄官商城縣典史林開宗承審監斃盜犯四名之商城縣知縣白惟琇監斃盜犯一名之管獄官祥符縣典史金得章逾限不及一月事已完結之光州知州劉兆基商城縣知縣白惟琇署按察司事駟鹽道張建德均照例免議奉

旨依議

窩隱盜屬

康熙八年四月三法司議范應龍打劫鍾啓祿客船行劫後妻妾不和將妾并子寄王得運家受飯銀十兩又用劉氏銀三十兩王得運如果欲將范應龍窩藏豈不將伊正妻彭氏一并窩隱王得運不便引窩盜與賊人共知謀情分贓律查律例凡推鞠窩主窩藏分贓人犯必須審有造意共謀實情方許論斬若止是勾引容留往來住宿並無造意共謀情狀者但當以窩藏例發遣毋得附會例致概坐窩主之罪又諸色軍民窩藏強盜二名以上坐家分贓者發邊衛充軍等語其窩隱強盜妻子并取用銀兩作何擬罪並無定例王得運應比照諸色軍民窩藏強盜二名以上坐家分贓例發邊衛充軍奉旨王得運雖知盜情未經窩藏本盜係窩盜之妾與子依後議

並無造意共謀分贓亦無勾引窩藏先因賊眾不敢斥逐後恐陷
害不行首報擬杖

雍正十二年五月刑部會議復直督李 題盜犯孫二鬍子等行劫
東明縣賀廷秀家一案除夥盜尚二於取供後在監病故不議外該
督既稱孫二鬍子造意為首張二憨子架網事上均屬法所難寬應
如所題孫二鬍子張二憨子俱合依強盜已行得財者不分首從律
擬斬立決該督既稱張孝張七王大牲口俱係被邀入夥不曾架網
事主張孝行劫止一次張七王大牲口又行劫河南正陽縣陳所得
家已據關訊明確彼案均係為從把風此案亦止為從瞭望接贓王
大牲口行劫陳所得家已遣子王九世出首又另犯開州竇國棟一
案查係搶奪情稍可原等語應將張孝張七王大牲口免死減等各
僉妻解部刺字查照雍正十一年八月內題定發往齊齊哈兒地方

給兵丁爲奴種地已獲贓物給主未獲贓物將各盜家產變賠脫逃
架網事主夥盜宋三及夥盜袁二等嚴緝務獲審擬具題再該督疏
稱張四容留衆賊合依強盜窩主雖不行又不分贓但知情存留三
人以上例克發三姓地方等語但查例內推鞠窩主窩藏分贓人犯
必須審有造意共謀實情方許以窩主律論斬若止是勾引容留往
來住宿并無造意共謀情狀者但當以窩藏例發遣勿得附會文致
槩坐窩主之罪又窩藏強盜二名以上坐家分贓者俱發邊衛克軍
等語今查該督疏內據張四供原開飯店營生雍正九年十二月二
十六日晚尚二等來店烤火他們說做賊的話小的恐怕連累不教
他們居住他們不肯走又因人多不敢得罪他們再三更時回到店
裡小的嚇得不敢出來並沒分贓等語卽各盜所供亦確鑿如一
是張四原無造意共謀分贓之事亦無勾引窩藏之情其先因懼人衆
不敢斥逐後恐陷害不行首告似與有心存留者不同今該督依強
盜窩主知情存留例擬遣與例未協應將張四改照知人謀害他人
不卽首告例杖一百遇熱審減等杖九十折責發落奉
旨孫三鬍子張二憨子俱着卽處斬餘依議

暫時在寮聚會分贓不作窩家

雍正十二年六月刑部會議覆盜犯朱子滿等行劫英德縣民婦李氏并陳廷瑞家一案據廣撫楊疏稱盜首文瑯養先曾在李氏家傭工知其頗有著積于雍正十年十一月十九日在長山墟撞遇朱子滿謝三李亞滿伍亞郎馮其華共談貧苦文瑯養即以李氏家有牛隻衣物告知起意謀劫約定二十一日晚在朱子滿烟寮聚會并令再找夥黨各盜應允伍亞郎找得雷應文雷應文又轉找得孔亞保同黨八人至期畢集執械偕行文瑯養引路一更時分直抵事主園外雷應文用尖嘴木棍撬開園門齊進園內雷應文先將隣人陳廷瑞房門撬開同文瑯養入屋掠取雞四隻酒壺一把復至李氏牛欄牽牛二隻連雞隻酒壺俱交朱子滿謝三李亞滿三人看管在外把風雷應文復撬開李氏房門孔亞保拋入火毬文瑯養用布包裹

頭面同雷應文孔亞保馮其華伍亞郎人內搜劫李氏驚覺被雷應文用繩細縛其手各盜攫取衣物并戳死小猪一隻背負而出奔回烟寮煮食猪雞將牛賣銀六兩并衣物按股俵分散踪是夜事主李氏于火光內認識賊犯文瑯養呈報隨經緝獲文瑯養供出夥黨姓名陸續緝獲雷應文謝三等到案歷審供認不諱將朱子滿等擬斬等因具題除盜首文瑯養夥盜雷應文俱于取供後在英德縣監病故不議外該撫既稱朱子滿各盜雖在伊烟寮聚會分贓但止一時聚集與窩藏盜賊有間且係聽找入夥並未傷人亦無行劫別案孔亞保謝三李亞滿係被誘同行亦未傷人各止行劫一次均屬情有可原等語應將朱子滿孔亞保謝三李亞滿均免死減等僉妻解部刺字咨送戶部照例發往齊齊哈兒等處給兵丁為奴種地奉

旨依議

指引及窩分各盜皆照窩主擬

雍正三年 月刑部議覆東撫陳 將鞏政等行劫仇國相家審擬斬罪發遣具題查脫逃盜首侯端甫輒起盜心至池念家詢以誰家有錢可以行劫池念告以仇國相家侯端甫遂糾約鞏政等同夥十人於雍正三年三月二十八日各執鎗叉等械至國相家將事主綁縛端甫用火燎事主手腿搜劫財物至張士元家俵分而散事主傷輕平復鞏政張士元池念陸續拏獲並關取鄭均趙恒口供到案歷審不諱查池念告以國相家有錢又引群盜至張士元家俵分贓物池念張士元均合依窩主共知謀情分贓律擬斬立決鞏政係跟隨侯端甫行劫並未殺傷人應免死僉妻解部面上刺字發三姓地方酌給披甲人及散戶人為奴鄭均趙恒止將行劫郭運泰家之案出首並未將此案首出應照行劫數家止首一家例免死發遣但鄭均

係行劫郭運泰案內爲首傷人擬斬應聽彼案歸結趙恒於行劫郭運泰家案內自首擬徒應於此案從重僉妻解部面上刺字發三姓地方酌給披甲人及散戶人爲奴已獲之贓給主未獲之贓盜產變賠脫逃首盜侯端甫夥盜侯大等着落印捕各官設立賞格嚴緝獲日另結奉

旨

引路強盜至事主家附近上岸先回亦算未行

康熙四十六年五月刑部會議覆盜犯高敬廷等行劫海寧縣鄉民王君徵家一案據浙撫王 審擬斬流分別援

上諭具題查盜首周四起意行劫王君徵家遂與顧大商量約同高敬廷周六等坐船一隻令姚大引路于四十三年九月三十日夜至事主家附近上岸姚大隨回各盜同往掘牆事主知覺叫喊各盜奔逸周四復欲行劫敬廷同周六回船未去餘盜復往打門入室劫取財物而去隣人姚惠生等聞知起救俱被顧大打傷顧大當卽被獲周四各盜未曾分贓拿獲船戶顧錫臣供認送周四逃往吳江地方無獲該撫將現獲賊高敬廷等歷審情真顧大周八病故不議外查高敬廷周六先雖上盜因事主知覺卽奔回船餘盜復劫並不同行又未分贓承審各官不行詳審照強盜得財律擬斬與律不符應改照強

盜已行不得財者律杖流姚大合依窩主既不同行又不分贓律杖流顧錫臣合依知人犯罪事發送令隱避者減一等律杖流事犯在上諭以前均減一等錯擬承審各官查叅到日再議可也奉旨依議

租船行劫船戶照窩主擬罪

雍正三年三月刑部會議覆閩縣賊犯原德德等出洋行劫彭元捷商船一案據福撫黃 審擬斬罪具題查盜首原德德貧無聊賴起意行劫探知李時萬之船換照未到灣泊長柄地方托林文雅與李時萬商議將船給伊出洋劫得貨物分與時萬時萬允從原德德遂糾約董法三王四四朱十林燦燦鄭加加鄭孝立余全生楊克勳林會會陳麻暗即陳朝玉魏道生陳八魏申申長樂八即柯貴貴鄭思言長樂六即陳德權陳勇勇同夥一十八人各帶鳥鎗腰刀馬叉等械於雍正元年十二月二十八日坐船出口三十日駛至磁滯洋面遇見彭元捷商船原德德等過船劫其銀錫衣布等物與船戶李時萬窩主林文雅各俵分而散陸續拿獲原德德等到案歷審不諱陳勇勇取供後在監病故不議外造意爲首之原德德合依江上行劫

大盜例擬斬立決梟示船戶李時萬窩主林文雅俱合依強盜窩主共謀者分贓不行律擬斬立決董法三王四四朱十林燦燦鄭加加鄭孝立余全生楊克勳林會曾陳朝玉魏道生陳八魏申申柯貴貴鄭思言陳德權俱係跟隨盜首原德德而行並未殺傷人均應免死減等僉妻解部照例面上刺字咨送戶部發寧古塔將軍轉發三姓地方照雍正二年八月內定例酌給披甲及散戶人等爲奴已獲贓物給主未獲贓物將各盜家產變賠盜船變價入官查定例奸船出入海口若遇失事將守口官罰俸一年又定例私藏烏鎗不行查出之該管官罰俸一年除閩縣典史雁寄彥已經

計叅革職毋庸議外應將失察出口一次入口一次之閩縣閩安司巡檢邱紹文閩縣知縣于沛均照例每次罰俸一年失察烏鎗亦係閩縣知縣于沛應照例再罰俸一年失察出口一次之閩安協左營把總

鄭清失察入口一次之閩安協左營把總林瀚照例各罰俸一年奉旨原德德著卽處斬梟示李時萬林文雅著卽處斬餘依議

窩頓賊牛

雍正十一年六月刑部議覆海康縣叅革舉人鄧恒山故縱弟與子姪窩竊賊牛一案據廣東總督鄂疏稱緣鄧恒山之弟鄧荆山于雍正二年三月內兩次窩竊犯吳武賊牛各一隻又兩次窩佃人黃義德自竊賊牛共三隻六年四月窩藏竊犯麥牛筐賊牛四隻七年四月窩麥牛筐張老硬同竊賊牛一隻八年正月又窩麥牛筐竊牛九隻鄧恒山之子鄧璋亦于雍正八年三月窩竊犯黃白毛賊牛三隻恒山之姪鄧宜亦于雍正九年三月及八九兩月三次窩佃人麥揚青竊牛共四隻十一月內又窩麥揚青同葉大話竊牛二隻或抵租債或賤價接買窩牛疊疊尚未發覺嗣因鄧宜之僕黃放于雍正九年十一月二十四日因吳振德向討舊欠無償起意商同往竊西山村袁賢家耕牛吳振德應允卽于二十五日夜二更時分齊至袁

賢牛欄黃放拔取園籬木棍撬開牆孔入欄牽牛一隻出交吳振德接牽黃放復入牽出母牛一隻又有牛一隻跟隨而出俱趕回交與鄧宜抵作身價銀四兩黃放當給吳振德錢一百文餘欠約俟十二月交足鄧宜將牛藏于樓下因有一牛腿蹶隨令黃放等宰殺而散袁賢編緝適遇鄧宜之僕馮十月貪得袁賢賞銀告知牛在鄧恒山等家欄內袁賢稟縣于鄧宜樓下捉獲原牛一隻并搜出牛骨牛脯隨獲黃放等究獲竊窩各犯并起出牛隻歷審各認不諱將鄧恒山等擬以軍徒枷責杖罪等因具題除竊犯黃義德病故不議外應如該督所題鄧恒山合依大戶家人佃僕結構為盜大戶知情故縱杖徒流罪俱發附近充軍例僉妻發附近充軍鄧荆山除雍正二三年兩年事在例前不議外其雍正六七八三年窩牛三次計牛十四隻合依窩牛十隻例僉妻發邊衛充軍鄧宜于雍正九年共窩牛五次計

牛九隻合依窩牛五隻例徒三年至配所杖一百折責四十板俟徒限滿日回籍該地方官嚴行管束鄧璋于雍正八年窩牛三隻應照窩家知情分贓同罪例枷號四十日杖一百折責四十板麥揚青竊牛四次麥牛筐竊牛三次均合依盜牛累犯例僉妻發邊衛充軍葉大話夥同麥揚青偷牛二隻均合依盜牛二隻例為從減一等枷號一個月杖八十折責三十板黃白毛偷牛三隻應照盜牛三隻例枷號四十日杖一百折責四十板黃放吳振德除偷牛三隻輕罪不議外聽從鄧宜使令宰牛一隻均應照宰殺耕牛初犯例各枷號兩個月杖一百折責四十板吳武除偷牛一隻賣銀一兩六錢輕罪不議外又偷牛一隻賣銀一兩七錢但事犯在未定例之前應照竊盜贓一兩以上律杖七十折責二十五板窩竊各犯均照例刺字鄧瑛雖審無窩牛得贓但知情徇縱應照窩家知情不分贓例杖一百折責

刑部會同
卷十一
四十板馮十月首報家長應照奴婢告家長得寔律徒三年至配所
杖一百折責四十板俟徒限滿日回籍該地方官嚴行管束該督既
稱枷杖各犯照例先行分別發落等語應無庸議起獲牛隻除給還
事主外其餘牛五隻及牛肉皮骨變價并各犯所得賣牛銀錢馮十
月所得賞銀三兩八錢均應照追一并入官袁賢失牛一隻應于鄧
宣名下追賠給領脫逃之張老硬緝獲另結奉

旨依議

誣良爲窩旋卽供明被誣之人未受累仍照本條定擬

乾隆元年十月刑部會議覆盜犯劉上斌等行劫劉廷岳家一案據
廣東巡撫楊 疏稱盜首劉上斌與事主鄰鄉而居知其家道頗殷
劉上斌于雍正十一年十二月初六日趁墟撞遇熟識之龔亞四龔
亞二劉斯政共談貧苦劉上斌卽以劉廷岳家有錢物相告起意行
劫各皆應允劉上斌又找合阮國昇入夥于是晚各到劉上斌家聚
會共黨五人更深時候起行出至村外園邊各拔柴棍行至石山種
蔗地方劉上斌取蔗解渴時有看守蔗園之葛亞晚温浩量羅亞晚
三人聞聲出阻見係熟識之劉上斌詢其所往卽以行劫情事實告
并邀同往葛亞晚等聽從甫行數步葛亞晚等畏懼逃回未敢同行
劉上斌卽同劉斯政等三更時分潛至事主屋後劉斯政慮事主認
識用火煤塗面持火一齊推開竹門入劫事主驚逃龔亞四阮國昇

捉住用繩細縛劉上斌劉斯政搜劫銅錢衣物與龔亞二網包分負奔至大王坡河邊將錢俵分衣物議交劉斯政劉上斌帶回變賣按賂分給各盜散踪事主控縣緝獲劉斯政到案供出盜首劉上斌夥盜龔亞四亞二及不識姓名四人并挾仇誣扳陳朝舉為窩家陸續拘獲龔亞四龔亞二并盜首劉上斌夥黨阮國昇及知情未上盜之葛亞晚溫浩暈并被扳窩家之陳朝舉到案屢審供認不諱將劉上斌等擬以斬刺杖責等因具題查該撫既稱劉上斌為首找黨復為窩家法所難宥等語應如該撫所題劉上斌合依強盜已行得財律擬斬立決該撫雖稱龔亞四阮國昇雖下手細縛事主但未受傷既係聽找入夥行劫一次情稍可原等語但查龔亞四阮國昇既經細縛事主即為法所難宥應將龔亞四阮國昇均合依強盜已行得財律擬斬立決其該撫擬以情有可原之龔亞二應照例免死減等而

上刺字遵奉乾隆元年五月初六日題定川廣犯事者僉妻發往雲南貴州極邊烟瘴地方交與地方官嚴行管束再該撫疏稱劉斯政供出盜首即行拿獲且止行劫一次並未傷人情情有可原應照例免其外遣杖一百流三千里但該犯又誣扳陳朝舉為窩家應否寬減聽候部議等因查劉斯政初雖誣扳陳朝舉為窩家迨後復訊該犯即將挾仇誣扳之處據實供明且被誣之陳朝舉並無拖累情事又供出盜首即行拿獲應將劉斯政照供出盜首即行拿獲免其外遣例杖一百僉妻流三千里查康熙六十一年十一月二十日恭逢

恩赦凡免死減等發遣盜犯俱接

赦免罪在案今龔亞二劉斯政事犯在雍正十三年九月初三日

恩赦以前查與

赦款相符應將龔亞二等免罪已獲贓物給主未獲贓物將各盜家產變

賠該撫既稱葛亞晚温浩量止係知情並未上盜應照知人謀害他人不即阻當又不首告律杖一百折責四十板事在

赦前相應援免仍詳記檔案未獲羅亞晚亦係知情並未上盜得贓事在赦前應免飭緝等語毋庸議再該撫疏稱本案盜夥五人俱已全獲並無另有線躋原叅疎防各官應請開復等語除茂名縣知縣虞金銘高州府知府張兆鳳俱經別案革職高州府通判陳樹芝已經病故均毋庸議其高雷廉道毛世榮原叅限年緝拿之案吏部已于奏明

恩詔寬免事宜案內查銷在案應毋庸再行開復至武職兼轄千總陳仕顯已于初叅照署事官例罰俸議結備汛把總吳槐外委把總牛有功遊巡守備張魁英原叅議處之案亦于

恩詔內開復均應毋庸議奉

旨劉上斌龔亞四阮國昇俱着即處斬餘依議

續獲盜線四夥盜早已全獲即擬斬決

雍正十三年七月刑部議覆先據東撫岳疏稱盜線李成貴與泰安州事主葉際雲同住素知際雲家道殷寔告知盜首李七李七即起意行劫糾約張二劉繼宗雷二陳二孟三同夥七人于九年十二月二十三日晚在三官廟會齊分持木棍更餘時分齊至事主宅邊李成貴恐事主認識在外把風餘盜踰牆進院陳二雷二在大門把風張二孟二抗開屋門同李七等擁入事主知覺叫喊李七掩住劉繼宗張二用繩網縛李七因其叫喊取事主家鉄棍毆傷事主賺取張二孟二搜劫衣錢仍由大門而出至陳二家分贓而散嗣于雍正十年正月十八等日緝獲李七等歷審不諱事主之傷平復將打傷事主之盜首李七網縛事主之劉繼宗張二擬以斬決情有可原之孟三雷二陳二擬遣脫逃之盜線李成貴獲日另結等因其題

經臣等議覆咨行去後今據該撫岳 疏稱于雍正十二年十月二十三日緝獲李成貴到案歷審該犯供認引線上盜出入分贓情形悉與原案相符將李成貴擬以斬決刺字等因具題查該撫既稱李成貴初次跟隨上盜並未進院網打事主情有可原等語應將李成貴免死減等面上刺字咨送戶部遵雍正十三年定例改發三姓地方賞給八姓一千兵丁爲奴種地未獲贓物將該犯家產變賠又稱究訊李成貴委無窩主及行劫別案亦無同居父兄伯叔與弟知情分贓情事等語應毋庸議奉

旨依議

告知事主有銀之犯不作盜線

乾隆三年七月刑部會議覆盜犯裴景連等行劫王祚昌家一案據河撫尹 疏稱盜首裴景連與單懷禮熟識乾隆元年七月十四日裴景連偕李思賢路過單懷禮庄上單懷禮留飯裴景連詢問單懷禮得知王祚昌家有銀兩隨約李思賢安三白三同往行劫李思賢等允從於二十八日晚共夥四人分執竹竿等械齊抵事主門首安三推門進院裴景連在外把風將鄰人李林門戶反扣白三持紙煤照亮推開房門入室安三持劈柴打傷事主臂膊同白三捉拿事主李思賢用繩捆其兩手白三卽用紙煤火燒傷事主腿胯安三搜劫衣物付與李思賢布袋裝收安三復又打傷事主左肩甲由門而出俵分而散嗣經拿獲裴景連等屢審不諱將裴景連等擬以斬刺等因具題查該撫既稱裴景連造意爲首李思賢網縛事主安三毆傷

事主白三療傷事主均屬悍惡兇暴等語應如該撫所題裴景連李思賢安三白三俱合依強盜已行得財律擬斬立決獲贓給主未獲之贓將各盜家產變賠該撫既稱隣佑李林聞喊救護被賊扣門單懷禮寔非盜線但不應告知王祚昌有銀錢致裴景連起意行劫應照不應重律杖八十查單懷禮事犯在

赦前相應免罪等語均應毋庸議再該撫疏稱其全獲盜犯係前任知縣楊嗣清職名相應聲明聽部議敘查楊嗣清已經丁憂離任等語應將全獲盜犯之前任南召縣丁憂知縣楊嗣清照例於補官日准其紀錄二次奉

旨依議

線賊潛住地方處分

康熙五十一年二月吏部議江督噶禮以廣東線賊余國樑在上海縣地方就獲逸賊八十三等四十一人曾潛住上海縣所有失察各官相應題參其蘇松道均不係同城職名無庸查取等因查定例州縣官將盜案隱諱不報者革職道府同知知而隱匿不報者降二級調用同城不知不報者降一級留任等語除上海縣典史病故不議外應將降調知縣許士楨革職其兼轄武職兵部照例議處應將蘇松道臧大受松江知府喬光先均各降一級留任再查余國樑供出逸賊八十三等四十一人于四十九年又七月到上海縣地方潛住現任松江府同知華于桂于四十九年十二月二十八日到任應無庸議其從前失察之同知應照例題參奉

旨依議

刑部會看得強賊尹樂甫等截劫行客郭奇一

錯認窩主罪名

康熙三十六年二月刑部會看得強賊尹樂甫等截劫行客郭奇一案據直撫李光地審擬斬戍答罪具題前來查尹樂甫等同夥四人各持弓箭木棍等械於康熙二十五年六月初三日夜截劫行客郭奇車輛將郭奇雇工人焦玉才射傷劫得驢頭等物歷審供認情真除小兒續據該撫疏稱已經病故毋庸議外尹樂甫姚盛合依強盜已行得財不分首從皆斬律均應斬立決姚美合改依強盜窩主不行又不分贓者杖一百律應杖一百折責四十板已經病故亦毋庸議王三知盜得驢頭為之轉賣合依知強竊盜贓而接買受寄若馬驟等畜二頭以上枷號一個月發落十兩者答二十律應枷號一個月答二十折責五板現獲之贓給主未獲贓物各賊家產變賠逸賊季獻宇嚴緝獲日另結劉光順李美吾雖買尹樂甫等驢頭審不知

刑部會看得

賊盜

二十七

盜賊窩主

情應毋庸議其姚美係擬杖罪之犯雖經病故相應仍令該撫查明承審各官職名到日交與吏部議處可也奉

旨尹樂甫姚盛著卽處斬餘依議

引看路徑事後得財比依賊線例擬流

雍正十年五月刑部會議覆湖撫王 題張九明等行劫應山縣民程良才家一案查盜首張九明探知程良才販布賺銀起意行劫商約積匪鄧八及王勝糾黨同行鄧八卽轉約閩魯一胡維亮鄧淑才張明士李四宗依仁趙四陳四郝起鳳同夥十二人因不知事主路徑卽央素識之王裕宗往來看路至雍正八年十二月初八日晚各盜俱至閩魯一家會齊鄧八復邀王裕宗入夥裕宗畏懼辭以眼目不明並未同行陳四等砍取松棍齊抵事主門首撞門入室事主程良才並夥計驚起鄧八趙四郝起鳳卽用繩網縛搜劫銀錢至洞水口俵分而散鄧八以王裕宗曾經引路存錢六百文王裕宗聞知事主報官差拿至鄧八家通信鄧八將所存之錢付與收受該撫旣稱張九明係造意盜首閩魯一係上盜富家鄧八素行爲匪約夥上盜

又網縛事主俱法所難宥趙四等俱係聽從入夥並未傷人情有可原應如所題張九明閔魯一鄧八俱照強盜已行得財律擬斬立決趙四等免死減等僉妻解部照例刺字發遣該撫既稱王裕宗引看路徑並未同夥上盜所得錢六百文原係鄧八存留給與並非俵分贓物之際按股均分亦非坐地分贓等語王裕宗應比依拿獲賊線如不上盜又未得財但為賊探聽事主通線引路者杖一百流三千里奉

旨

搶犯窩主分贓不行照竊盜窩主以為從論所傷均非致命以先

下手者為首

雍正十一年十二月刑部會議覆李亞一等搶奪高世勳銀物一案據廣撫楊 疏稱緣常文杲在澳傭工雍正十年正月二十八日回縣途遇烟客高世勳全行常文杲詢知高世勳收賬回家携有銀兩頃前搶奪之念時因日暮高世勳寓于歇店常文杲亦赴佃人余可耀家索取舊租留宿適有陳亞輝張振遠亦在余可耀家中閑談常文杲說及烟客高世勳有銀欲圖搶奪令陳亞輝找黨陳亞輝找合張振遠許三聖余可文許三聖又轉糾李亞一俱皆慫恿東亞輝又糾余務有余務有不允李亞一等六人約定二十九日早各到大埔東廟會齊常文杲慮事主認識未敢同往仍在余可耀家陳亞輝等五人如期畢集張振遠望見高世勳背負包袱前來說知各盜伏于

茂草林中高世勳行到李亞一先出棍打高世勳左手臂陳亞輝亦用棍擊高世勳右手臂許三聖又用棍打高世勳左脚肚高世勳仆地李亞一向前奪取包袱高世勳扭纏不放李亞一拔出身帶順刀恐嚇致傷高世勳右手兩指李亞一奪得包袱背至大小圓山將銀物六股俵分尚餘銀一兩留與余可耀作窩住謝資交與陳亞輝帶回分給旋郎四散嗣據張振遠投首供出夥黨姓名陸續拿獲陳亞輝等歷審不諱事主傷已平復將李亞一等擬以斬流徒杖等因具題除肅文杲在香山縣監病故不議外應如該撫所題李亞一合依白晝搶奪傷人為首律擬斬監候秋後處決余可文合依搶奪傷人為從減一等律僉妻流三千里至配所杖一百折責四十板該撫既稱陳亞輝許三聖亦合依為從律擬流但又認劫黃有華糖船應俟彼案審明從重歸結等語陳亞輝許三聖應俟行劫黃有華糖船案內審明從重歸結余可耀雖為窩主然未造意但得財不行合依搶奪為從律徒二年半至配所杖九十折責三十五板于徒限滿日送回原籍地方官嚴行管束不許出境均刺字該撫既稱余務有知情不行又不分贓合依知人謀害他人不即阻當被害之後又不首告律杖一百遇熱審減一等折責三十五板再張振遠係搶奪案內傷人之犯投首到縣差役陳金押帶候審脫逃審無賄縱情弊陳金合依中途押解徒流人犯不覺失囚一名律杖六十遇熱審減一等答五十折責二十板革役已經發落等語應無庸議已獲之贓給主未獲之贓將各犯房屋變賠逃犯張振遠嚴緝獲日另結該撫既稱肅文杲染病在外病故管獄官職名無庸開報所有疎縱脫逃張振遠等職名係香山縣現任知縣魯遐齡相應附叅等語查定例軍流徒罪等犯已加肘鎖脫逃者罰俸六個月照案緝拿等語應將疎縱流犯

內審明從重歸結余可耀雖為窩主然未造意但得財不行合依搶奪為從律徒二年半至配所杖九十折責三十五板于徒限滿日送回原籍地方官嚴行管束不許出境均刺字該撫既稱余務有知情不行又不分贓合依知人謀害他人不即阻當被害之後又不首告律杖一百遇熱審減一等折責三十五板再張振遠係搶奪案內傷人之犯投首到縣差役陳金押帶候審脫逃審無賄縱情弊陳金合依中途押解徒流人犯不覺失囚一名律杖六十遇熱審減一等答五十折責二十板革役已經發落等語應無庸議已獲之贓給主未獲之贓將各犯房屋變賠逃犯張振遠嚴緝獲日另結該撫既稱肅文杲染病在外病故管獄官職名無庸開報所有疎縱脫逃張振遠等職名係香山縣現任知縣魯遐齡相應附叅等語查定例軍流徒罪等犯已加肘鎖脫逃者罰俸六個月照案緝拿等語應將疎縱流犯


脫逃之香山縣知縣魯遐齡照例罰俸六個月未獲逃犯照案緝拿
再該撫疏稱本案是搶非劫同夥六人另窩家一名已獲及病故共
流犯不收禁押候疎脫未曾議處
六名自首脫逃一名窩線俱已全獲原叅踈防各官應請免議等語
應將原叅踈防文職署香山縣典史事香山司巡檢柳芝棟等均免
議查此案已經該督鄂 以賊犯全獲題叅踈防兵部照例免議在
案應無庸議奉

旨李亞一依擬應斬着監候秋後處決餘依議 謹查陳金應依押解罪
囚中途不覺失囚者減囚罪二等以張振遠係未斷決之犯也

共謀為盜

謀竊臨時行強

康熙四十五年七月刑部等議覆強盜宋九錫等行劫山陽縣城內
居住生員孫鼎家一案據江撫于準審擬前來查宋九錫等知孫鼎
家道殷實汪弘遠起意行劫與汪尿子糾約徐壽曹勳吳泰來二更
時分齊至事主門首汪尿子持鐵鑽先同宋九錫挖牆留汪弘遠汪
尿子在外接應九錫帶刀由洞而進徐壽曹勳吳泰來相繼而入適
孫鼎家人周三驚起九錫將刀給與徐壽架在周三頸項恐嚇各盜
入室燃燈盤劫銀衣等物仍由牆洞而出除徐壽病故外查律內共
謀為竊盜臨時不行而行者為強盜其不行之人造意者並為竊盜
首等語宋九錫曹勳吳泰來造謀行竊臨時行強依強盜行劫干係
城池不分會否得財俱斬梟示律均應斬立決梟示汪弘遠造謀行



竊不知行強應照竊盜一百二十兩以上絞律擬絞汪尿子應照爲
從律擬流但事在

赦前汪弘遠應減等刺字僉妻杖徒汪尿子免罪獲贓給主奉
旨這事情原審亦未明晰人命所關着九卿詹事科道會議具奏

先竊後強援 赦減免不知強劫情由仍照竊盜問擬

康熙四十六年三月刑部會看得宋九錫等行劫山陽城內居住生
員孫鼎家一案先據江撫于準審擬斬絞流罪分別援

赦具題刑部議覆奉

旨這事情原審亦未明晰人命所關着九卿詹事科道會議具奏欽此臣
等查得汪弘遠造意行竊與汪尿子商謀糾合宋九錫等挖事主之
牆由洞而入竊取衣服等物仍由牆洞而出該撫因宋九錫等持刀
恐嚇卽擬強盜原審並未明晰應令該撫詳審定擬具題去後今據
該撫疏稱緣盜首汪弘遠與汪尿子商謀行竊尿子熟悉孫鼎家資
頗裕告知弘遠糾約宋九錫曹勳吳太來徐壽於康熙四十二年二
月初六日二更時分汪尿子宋九錫先往挖洞留汪弘遠汪尿子在
外接贓宋九錫等由洞而入事主家人周三驚起宋九錫卽以所帶

腰刀轉授徐壽架於周三頸上恐嚇衆盜毀窻燃燭進房席捲衣資雖未傷人而強劫顯著所以照律擬以駢斬但強盜未經傷人蒙皇上特恩免死發遣各犯原欲行竊與預謀強劫有間宋九錫曹勳吳太來請照免死減等之例發與黑龍江新披甲之人爲奴汪弼遠仍照竊盜爲首律擬絞汪尿子照竊盜爲從律擬流分別摺

赦具題前來除徐壽解審中途病故不議外宋九錫曹勳吳太來應照該撫所題免死減等發與黑龍江新滿洲披甲之人爲奴汪弼遠汪尿子在外接贓不知強劫情由汪弼遠應照竊盜一百二十兩以上律擬絞汪尿子應照竊盜爲從律擬流但汪弼遠汪尿子事犯在

赦前汪弼遠應減一等仍刺字僉妻流三千里至配所杖一百折責四十板汪尿子應免罪仍刺字已獲贓物給還事主奉

旨依議

一人臨時行強被事主毆打情急格殺斬決免梟

乾隆元年三月刑部會議覆黃陂縣盜犯鄧正刦殺張王廟僧以思一案據署湖撫邁 疏稱鄧正臨時行強係殺人盜首將鄧正擬以斬梟等因具題經刑部等衙門議覆將鄧正依強盜已行得財律擬斬立決仍照殺人強盜例梟示不應援

赦等因具題奉

旨九卿議奏欽此欽遵查鄧正路過以思廟前見以思賣柴得銀二兩二錢起意行竊於雍正十一年十二月二十日往廟中看明路徑攜帶鐮刀於是晚二更時拆開殿後柴壁鑽身入廟值佛前有燈經以思之徒茂珍窺見有人卽時聲喊以思聞聲執棍出視鄧正頓起強心持鐮向敵以思用棍毆打鄧正隨用鐮刀背毆以思頂心及偏左并右額角左右眉叢鼻梁左腮腴腦後等處又用鐮柄毆傷以思左眉

叢稍下並右手腕右肘等處以思登時殞命茂珍聞聲出救亦被
鄧正棍傷耳上茂珍畏避進房鄧正倒扣其門持燈入以思房內搜
取銀錢等物開門而出續經拿獲屢審不諱臣等伏思殺人強盜於
法固無可貸但有明火執仗事主並未抵禦卽行殺人者亦有原係
行竊臨時行強細縛事主毆打情急希圖脫身格傷事主身死者其
中情罪原有分別今鄧正止係一人行竊因事主執棍出視起意行
強固與夥衆強劫者不同其毆殺事主之處係因事主毆打情急始
用鎌刀背毆傷殞命亦與事主並未抵禦卽行殺人者有間不應與
明火執仗事主並未抵禦卽行殺人之強盜間擬梟示應將鄧正擬
斬立決免其梟示餘仍照刑部等衙門前議再查定例強盜殺人放
火燒人房屋奸污人妻女打劫牢獄倉庫及干係城池衙門並積至
百人以上不分會否得財俱照得財律斬決梟示並未將強盜中因
事主毆打情急希圖脫身格殺事主之犯應否梟示之處詳悉分別
槩擬斬梟似屬未協請嗣後除明火執仗事主並未抵禦卽行殺人
之強盜照例斬決梟示外其被事主毆打情急格殺事主之犯仍照
強盜得財律斬決免其梟示奉
旨鄧正着卽處斬餘依議

臨時行強

雍正十三年七月刑部等議覆安撫王 疏稱盜首王惠曾在銅陵
 縣童胡氏家傭工彈棉知有蓄積起意行竊於雍正十一年三月初
 六日乘胡氏母子往外看戲家內乏人遂約周月祥屠龍邵虎胡朋
 周會共夥六人王惠攜帶火煤是晚在王家墳山取齊時近三更咸
 抵事主橫門周會撬門開門眾盜潛入周會撞倒板櫬驚起事主工
 人孫統將周月祥捉住喊叫胡朋邵虎奔出門外王惠吹火點亮尋
 覓麻繩給屠龍同周月祥將孫統按捺捆縛事主女流趨避後門之
 外喊救各盜攫取衣被等物仍從橫門而出次早將贓當錢俵分而
 散胡氏孀居子幼未報該縣訪驗另案獲犯胡朋究出盜夥王惠等
 歷審供認不諱將王惠等擬以斬戍等因具題除夥盜周會於解赴
 司審時病故不議外該撫既稱王惠係起意盜首屠龍周月祥細縛

賊盜

五

共謀為盜

事主工人均屬法難寬宥部虎係跟隨而行並未傷人情有可原但王惠屠龍周月祥部虎又於現在另疏具題之孫伯先案內有名王惠係此案盜首應於此案正法屠龍周月祥部虎應歸於孫伯先案內從重正法等語應將盜首王惠照共謀爲竊臨時行強不分首從律擬斬立決卽於此案正法仍將正法過緣由於行劫處所張掛告示諭衆知之屠龍周月祥部虎應歸於現在另疏具題之孫伯先案內從重正法胡朋因拘審賭案供首行劫孫伯先之案本案未據併首合依行劫數家止首一家發黑龍江給披甲人爲奴例應僉妻解部照例刺字咨送戶部遵照雍正十一年八月內題定發往齊齊哈兒等處給兵丁爲奴種地贓已全獲給主收領仍於各盜名下照追當本還典再該撫旣稱事主胡氏孀居子幼未經呈報情有可原應與住居隔遠不知盜情之保隣許德明汪社均請免議各盜雖百文母伯叔兄弟訊不知情疎防之汛兵李元會等并夥盜周會病故管獄官職名與隣境獲盜三名議叙之處俱於孫伯先案內聲叙開報該縣再謹此案止獲三名毋庸置議等語均應如該撫所題完結奉旨王惠着卽處斬餘依議

盜犯姊夫首引例充軍捕役私拷取供枷責該管官例無虛

雍正十三年七月刑部等會議覆安撫王 疏稱銅陵縣盜首屠龍
因胡朋賭博輸錢不能回家起意行竊本族公堂稻穀輾轉糾約部
虎王惠周月祥周會屠龍王來共夥七人於雍正十一年三月十四
日晚各携口袋扁担胡朋帶鉄鑿周月祥帶火煤更餘時分齊至胡
姓門前因犬吠人喊驚散胡朋知孫伯先家有蓄積復邀往竊各皆
應允三更時候同赴孫伯先門首越籬入院進內周月祥耀火事主
驚喊出拏屠龍卽起意行強喝令網住并批事主家傘紙明火王惠
部虎取草繩將事主細起王惠嫌其聲喊抽小木條打背上二下事
主繼子孫栢出護王來周月祥亦取草繩網縛王來又抽杉條擊其
大腿各盜挨房搜尋贓物事主之妾金氏攔門以油罐擲打屠龍胸
前周月祥周會將金氏細起屠龍接王惠杉條打金氏之手周月祥

拾廢匏匡打金氏之脚劫得銀錢衣物由耳門而出行至順安空墟
埂上時已天亮賊尚未分當爲蕪邑捕役范奇盤獲屠龍等供出各
盜并據王來姊夫養賢友首報隨經拏獲到案歷審不諱將屠龍等
擬以斬戍等因具題除周會解審時在按察司監病故不議外該撫
既稱屠龍周月祥王惠部虎俱係細打事主均屬法難寬宥屠龍周
月祥部虎又於行劫童胡氏案內有名俱係夥盜應於此案正法王
惠係行劫童胡氏案內盜首應歸彼案從重正法等語除王惠行劫
童胡氏之案經臣部等衙門議覆將王惠正法外應將屠龍周月祥
部虎俱照其謀爲竊盜臨時爲強盜不分首從律擬斬立決仍將正
法過緣由於行劫處所出示曉諭王來係姊夫養賢友小功以下親
屬首報拏獲應照毆傷事主傷非金刃而所傷又輕旋經平復者係
盜仍准自首例發邊衛充軍又雍正十一年八月內定例盜案內

充軍人犯俱發齊齊哈兒等處種地應將王來僉妻解部照例處
咨送戶部遵奉雍正十三年閏四月二十八日改定發往三姓地方
賞給八姓一千兵丁爲奴種地胡朋因拘審賭案供出行劫此案合
依問被告之事別言餘罪者免其餘罪律應免議但該犯仍有行劫
童胡氏一案未據并首應歸彼案從重歸結已獲贓物給主再該撫
既稱各盜止胡朋王惠王來雖有父母伯叔兄弟訊非知情餘盜並
無親屬亦無窩線事主孫伯先諱盜不報實因年老子幼隣保住居
寫遠不知失事情由均應免議汎兵李元會章惠王龍已據杖責革
糧免其重科蕪邑捕役范奇除扣留盜贓輕罪不議外拏獲屠龍會
經拷打合依番捕私拷取供例枷號一個月責四十板但捕獲隣盜
三名例得給賞功過相抵免其枷責仍革役胡朋等賭博之案已據
另詳飭結合併聲明等語均應如該撫所題完結再該撫疏稱監斃

周會管獄官職名係按察司司獄馬士麟此案盜犯七名全獲與隣境獲盜均應議叙所有一月以內拏獲隣境盜犯周月祥周會屠龍係蕪湖縣知縣朱文昭又失察捕役扣留盜贓及私拷情事亦係朱文昭合併聲明聽候部議至銅陵縣被叅知縣冉瑾止獲盜犯四名毋庸置議等語查定例盜犯取供審明後在監病故囚人以下者管獄官免議又定例州縣官有能一月內拏獲隣境案內首盜加一級再紀錄一次拏獲夥盜者每一名紀錄一次又定例衙役犯贓本官失察不及十兩者罰俸一年等語除銅陵縣知縣冉瑾已經別案革職毋庸議監斃盜犯周會之按察司司獄馬士麟照例免議外應將拏獲盜首屠龍之蕪湖縣知縣朱文昭照例加一級再紀錄一次朱文昭又拏獲夥盜周月祥周會二名應照例紀錄二次又失察捕役

旨屠龍周月祥邵虎俱着卽處斬餘依議

口留金... 十兩應照例罰俸一年銷去紀錄二次免其罰俸至捕役私拷盜犯該管官例無處分朱文昭失察之處應毋庸議奉

先竊後強

乾隆元年七月刑部會議覆泰寧縣監犯廖樹等先竊後劫李惟貴家衣物一案據福撫盧 疏稱緣廖樹貧窮無賴探知李惟貴家畜有耕牛起意行竊商同李本糾合楊婢楊婢復邀謀勘同夥四人於雍正十二年四月二十三日同至楊婢家會齊起身廖樹攜帶鐵錐火刀火煤線香李本等空手三更時分偕至李惟貴門首廖樹用鐵錐撬挖牛欄因堅固難開廖樹又欲進屋偷物復挖其門被李惟貴覺喊廖樹以李惟貴單居獨屋冀圖嚇退遂同李本楊婢拾取門首柴棍打開大門入室謀勘在外等候事王男婦驚避惟事王之孀吳氏老病在床廖樹推開右邊房板壁打火點燈照亮各盜攫取衣物廖樹又扭開倉門之鎖見係空倉各盜聞事主喊聲遂奔至吃水嶺捲橋頭先將茶酒壺布被叉口併好衣五件俵分而散尚有破爛大

小衣裙十八件賣錢續分屢審各認不諱將廖樹等擬以斬決等因具題除李本因解府發邵武縣監病故不議外應如該撫所題法所難宥之廖樹合依強盜已行得財律擬斬立決再該撫疏稱廖樹本欲行竊因驚醒事主始行打門冀圖嚇退並未執械傷人與預謀行劫明火執杖者有間查康熙五十二年刑部議覆江撫張審題常熟縣陸三等行劫龔氏家一案本欲行竊入室驚醒事主始行用強將陸三等免死發遣等因奉

旨依議欽遵在案廖樹所犯情罪與陸三之案相同應否照例免死發遣聽候部議等語查臣部自康熙五十四年奉

旨以後凡強盜案件俱欽遵辦理將造意為首及殺傷人者逐一查明分別正法減等具題遵行在案今該撫既稱廖樹起意為首法所難宥又爰一長崇五十二年以前之案將廖樹免死發遣與例不符但查

本年三月內臣部等衙門議覆直督李題盜犯尤旺等行竊於朝鮮家臨時行強一案將案內細縛事主之冷天錫照強盜已行得財律擬斬立決等因奉

旨冷天錫聽從尤旺細縛事主未經受傷臨去時即為解放著改為應斬監候秋後處決餘依議欽遵在案今廖樹起意行竊因事主覺喊始行打門冀圖嚇退並未執械傷人細縛事主廖樹應否照冷天錫之案改為擬斬監候之處恭候

欽定情有可原之楊婢謀勒俱應免死減等僉妻刺字遵照乾隆元年五月初六日定例令該撫酌發雲貴川廣極邊烟瘴地方交與地方官嚴行管束但查康熙六十一年十一月二十日恭遇

恩赦凡免死減等發遣強盜俱准援免今擬遣盜犯楊婢謀勒俱事在雍正十三年九月初三日

恩詔以前均應免罪已起贓物給主未獲贓物將各盜家產變賠該撫既稱在逃之周西目訊非同夥應予免緝各犯訊止爲匪一次並無窩家及同居親屬知情分贓事主李惟貴住居山僻並無隣佑又隔離塘汛遠並無知情不行救援情事應無庸議等語均無庸議再該撫疏稱李本係應擬斬之犯患病身死訊無凌虐情弊所有管獄官職名應照監斃盜犯四名以下之例免其開叅此案盜首夥盜四人俱已全獲並無窩家合併聲明等語除監斃盜犯李本一名之管獄官例無處分無庸議外該撫既稱盜夥四人俱經全獲應將原叅疎防之署泰寧縣典史事邵武縣水口寨巡檢朱啓鳳等均免議至武職蕭汛把總詹夏等已於初叅獲賊過半免議在案應毋庸議奉旨廖樹著改爲應斬監候秋後處決餘依議

始竊終強

康熙六十一年七月刑部會議覆強賊林之有等行劫潘弘信家一案先據東撫李樹德將林之有等比照盜犯陸三等行劫龔氏家之案免死減等具題經臣部駁令該撫再加詳審去後今據該撫疏稱林之有等堅供委未預謀行劫仍照原擬具題查陸三等行劫龔氏家之案原任蘇撫張伯行以陸三等本欲行竊免死減等具題將陸三等免死減等發黑龍江在案今該撫既稱除王玉李之晃取供後病故不議外林之有王三同謀行竊臨時行強與陸三免死發遣之例相符應將林之有王三免死減等各僉妻解部照例面上刺字發和朴多烏蘭古木地方趙氏照竊盜造意律杖七十但趙氏事犯在赦前應免罪已獲之贓給主未獲贓物將各盜家產變賠逸賊胡五陳三李二嚴緝獲日另結奉

旨依議

始竊終強

康熙五十二年十月刑部議覆陸三等行劫常熟縣孀婦龔氏家一案據蘇撫張伯行疏稱陳二知龔氏家道殷實告知陸三陸三起意行竊糾約張鼎周壽許觀陸秀陳大又誑誘錢二入夥同夥八人于康熙五十年五月初二日夜駕坐二船行至壩頭停泊預將事主家所畜之狗藥死留許觀在船看守陸三周壽等攜帶鐵鑿火煤火袋上岸而去錢二懼罪先卽逃回張鼎陳大在外接遞餘盜由事主後門撬窗進內龔氏驚覺喊叫周壽慮人知覺手批龔氏之面復掩住其口陸三等搜取衣資等物回船俵分而散事主傷經平復于本年八月二十五等日陸續拿獲陸三等歷審本欲行竊因入室驚醒事主始行用強與預謀行劫者有間五十二年二月有上海縣周來等先係謀竊將朱祥家竅洞而入驚醒事主輒用強奪物并傷隣人經

臣具題將周來等免死發黑龍江給與窮披甲之人為奴部覆援
赦釋放奉

旨依議欽遵在案今陸三等所犯與周來等情罪相同亦應免死擬以發
遣杖罪援

赦具題除張鼎取供後在監病故不議外查陸三陳二等所犯與周來等
情罪相同應如該撫所擬將陸三陳二發往黑龍江給與窮披甲之
人為奴被誘同行中途懼罪逃回之錢二應照知人謀害他人不行
首告律杖一百但伊等事犯在康熙五十年三月十八日

赦前應免罪釋放已獲之贓給主未獲贓物將各盜家產變賠盜船二隻
被盜犯陸三變賣應向陸三名下追取入官逸賊周壽許觀陸秀陳
大獲日免罪追贓給主再該撫疏稱監斃張鼎之管獄官係署常熟
縣典史事本縣主簿何澄將陸三錯擬斬罪之承審官係常熟縣另

案革職知縣章會印相應附叅等語應將監斃張鼎之管獄官署常
熟縣典史本縣主簿何澄將陸三錯擬決斬之常熟縣革職知縣章
會印俱應照例議處但事在

赦前均應免議奉
旨依議

管押事主盜犯亦擬斬決

乾隆五年六月刑部會議覆寧化縣賊犯甯豹等夥竊胡紹堯家臨
 時行強一案據原署福撫王 疏稱緣周仔曾在胡紹堯家傭工知
 有銀兩衣物乾隆二年閏九月十九日起意行竊邀約甯豹劉三楊
 老老楊仔曾天養黃太生同夥七人是夜在火燒橋地方會齊黃太
 生攜帶千斤鉄鑽甯豹楊老各帶扁挑餘俱空手三更時齊至事主
 門首黃太生將千斤鉄鑽與曾天養挖開小洞周仔黃太生曾天養
 甯豹劉三先後進屋竊出衣籠服物由洞口運出楊老老楊仔在外
 接運先逸黃太生曾天養周仔又挖開事主籬壁竊出銀兩各存在
 身嗣周仔又進竊茶葉被犬驚吠事主胡紹堯知覺持鎗出趕周仔
 卽起意行強令黃太生取事主家竹竿戳傷胡紹堯頂心項頸倒地
 又令甯豹持扁挑管住事主周仔復進肩茶葉比劉三在事主廚房

尋點松光照路同開事主大門而出各奔至十里橫牌山凹俵分而散有伍子路邱德不知楊老甯豹等竊劫情由曾經混行客歇給茶與飲續獲各犯到案屢審供認不諱將甯豹等擬以斬戍等因具題除首盜周仔夥盜老楊仔在監病故均不議外查該署撫既稱甯豹執持扁挑管任事主法無可貸劉三止點松光照路而出並未毆傷事主似屬情有可原等語應將甯豹合依強盜已行得財律擬斬立決夥盜劉三應免死減等行令該署撫遵照乾隆二年七月內定例查明劉三有無妻室分別發遣在外接贓不知行強情由之楊老合依夥衆六人以上行竊贓至滿貫爲從例發邊衛充軍至配所杖一百折責四十板仍刺字其逸盜黃太生曾天養嚴拿另結該署撫既稱伍子路偶爲楊老等住歇邱德亦止偶留甯豹等吃茶均不知楊老甯豹等係竊劫之犯俱非窩家但不行查明混行客留給茶與飲

伍子路邱德均合依不應重律杖八十照例先行折責發落已起之贓給主未起之贓應於各盜名下家產變賠至各盜從前均未犯案並無同居親屬知情分贓亦無窩家事主胡紹堯係山僻單居四無隣佑與塘汎隔離寫遠並非不行救護均無庸議等語應均如該署撫所議完結再該署撫疏稱監斃盜首周仔夥盜老楊仔職名係崇安縣典史晁綱合併開報等語查定例管獄官將盜犯取供審明後在監病故四人以下者免其議處等語應將監斃盜犯周仔老楊仔二名之管獄官崇安縣典史晁綱照例免其議處查此案先經福撫盧 將疎防之崇安縣典史晁綱等指叅吏部議將崇安縣典史晁綱照例住俸建寧府通判楊琪照例停陞罰俸六個月延建邵道江芑免其停陞罰俸六個月俱限一年緝拿原任閩督郝 將嵩汎把總朱紫貴等指叅兵部議將嵩汎把總朱紫貴照例住俸協防外委

把總何騰龍停其拔補兼轄遊擊薛成名罰俸六個月俱限一年緝拿等因各在案今該署撫既稱此案同夥七人已獲盜首并夥盜四名原叅疎防各職名請予開復等語查定例道路村庄被劫承緝州縣印捕兼轄等官武職滿汛外委兼轄各官限內拿獲一半兼獲盜首者免罪餘賊照案緝拿等語應將崇安縣典史晁綱滿汛把總朱紫貴等均照例准其開復餘賊照案緝拿奉

旨寧豹着卽處斬餘依議

端時行強斬犯於別省案內有名狡不承認解往質明擬結

雍正十一年七月刑部會議得東明縣賊犯姜禿子等行劫監生姜福增家鄭二臨時行強一案據直督李 疏稱盜首姜禿子係姜福增無服族叔於雍正九年三月二十八日適遇姜福增家佃戶楊九道及上年歉收貧窮乏食并告以姜福增家有糧食客借姜禿子卽起意謀竊因恐姜福增認識令楊九轉邀鄭二李三同夥四人於四月初四日夜各帶柳橛李二又携火煤二更時分偕赴事主門首姜禿子楊九在外等候接贓鄭二李三扒牆進院撥門入室方欲尋竊糧食卽被事主祖母驚覺起坐喊叫鄭二隨用柳橛毆傷姜福增祖母額顱李三用火煤焜照從炕上搜取銀二十兩錢一千一百文當經姜福增接應聲喊隣佑火夫人等聞聲趨救姜禿子楊九各自逃跑李三携贓同鄭二由牆逸至空地李三止將所劫之錢與鄭二俵

分私匿銀兩而散嗣經緝獲到案歷審不諱事主傷已平復將鄭二等擬以斬杖等因具題除李三在東明縣監病故不議外夥盜鄭二係毆傷事主法無可貸應將鄭二依共謀爲竊臨時主意爲強者照強盜已行得財律擬斬立決該督既稱鄭二於江南徐州行劫鄭逢宣家案內有名因隔省質對無人止認謀劫未同上盜分贓不無狡賴難以懸定等語應將鄭二照例多差幹捕不致脫逃解赴江南徐州質審明確從重歸結正法該督又稱姜禿子楊九未曾入室不知強形均合依共謀爲竊造意者不分贓及餘人俱照竊盜爲從律計贓二十兩杖七十姜禿子係事主無服族叔減一等杖六十免刺楊九仍刺字照例先行發落均交與隣族取具保結管束等語均無庸議未獲銀錢將鄭二李三家產變賠奉

旨依議

不知在內行強情事照兄爲盜而弟知情分贓例科斷

雍正十年六月刑部會看得賊犯冉大歪等行劫棗強縣民葉氏家并勒死葉氏一案據直督劉 疏稱緣冉大歪同弟冉二歪於雍正八年十一月初一日在集飲酒適有認識之鄭二宮三蘇三韓道禹大于大先後踵至遂邀同飲各犯道及貧難度日冉大歪即稱葉氏家積有錢物起意行竊各犯允從同夥八人攜帶繩索挖刀於是夜二更時分齊赴葉氏門首于大禹大冉二歪在外接贓冉大歪等扒牆進院蘇三挖孔入室旋因葉氏知覺隨即逸出葉氏開門喊叫在內各犯臨時起意強劫韓道用拳毆傷葉氏唇吻冉大歪亦用拳毆傷葉氏左右腮頰并左右眼胞蘇三摺住葉氏項脖復用繩令鄭二套勒葉氏項脖冉大歪韓道宮三進房搜取衣服錢物携擲牆外令冉二歪等擯抬而逸蘇三鄭二始將葉氏放手而葉氏已經殞命各

盜同至宮三家鄭二始將在內強劫情由告知冉二歪等分贓而散嗣緝獲冉大歪等到案歷審不諱將冉大歪等擬以斬流等因具題除蘇三宮三於取供後在棗強縣監病故禹大於取供後在清苑縣監病故韓道於取供後解審中途病故均不議外查雍正七年六月內臣部議覆直督楊 題強盜大郭三禿子等行劫王應眷家一案奉

旨大郭三禿子既經自行出首着從寬免死照例減等發落餘依議前因畿輔重地理宜倍加肅清而直隸盜案往往多於他省是以降旨令將直隸盜案仍照舊例不分首從皆斬後因定例伊始鄉僻愚民未必人人盡知若一概置之重刑心寔不忍是以將直隸盜案亦暫照各省盜案分別斬決發遣二項歸結原與愚頑之輩感恩畏法遷善改惡共爲良善之民也乃年來直隸盜案雖減仍復不少且有所得財物甚微若

此案卽明証也又皆非積盜行劫數次之人而其心罹於法網朕推原其故必係地方有司未將從前首從皆斬之諭旨愷切詳明通行曉諭使遠鄉僻壤咸共知悉是以伊等罔知微懼復蹈前轍用是再頒此旨着直隸總督轉飭所屬遵行宣諭自雍正八年爲始直隸省內再有爲盜劫之事者定照首從皆斬之舊例行如地方官仍踈忽從事不明白遍行宣諭將來事發一并嚴加治罪欽此欽遵在案今冉大歪等強劫葉氏家係雍正八年十一月內之事應如該督所題冉大歪合依強盜已行得財者不分首從律擬斬立決鄭二合依強盜殺人不分首從得財律擬斬立決梟示該督既稱冉二歪聽從伊兄冉大歪商謀行竊在外接贓不知用強情事及用強之後始知情由等語應請將冉二歪照兄爲大盜而弟知情又分贓物照本犯罪減一等例應減一等僉妻流三千里至配所杖一百折責仍刺字已獲贓物給主未

獲贓物將各犯家產變賠脫逃之于大應令勒緝獲日另結再查冉
二歪雖不知強劫情由既經夥同行竊律應刺字今疏內並未聲明
明係遺漏應令該署督查明補奏奉
旨冉大歪着卽處斬鄭二着卽處斬梟示餘依議

既因起意行劫擬以斬決又因未至事主之門附請原有情罪不
符

乾隆三年六月刑部會議覆濮州貢生杜冠玉家被盜一案據東撫
法將梁漢臣陳備侯林克昌均依強盜已行得財律擬斬立決刺
字梁漢臣起意爲首法難寬貸陳備侯林克昌初次爲盜並未傷人
情有可原再據按察使白詳稱梁漢臣雖起意爲首但臨時在坡
地看車未登事主之門於本無可貸之中似稍可原等語應否一併
勅議出自

皇上特恩等因具題查承審強盜案件情罪務須允當若起意行劫之盜
首雖不入家搜贓亦應擬以法難寬宥若原係謀竊盜首未經入室
而夥盜入室後臨時行強則起意行竊之犯止依竊盜爲首律科斷
今該撫疏內稱梁漢臣探知杜冠玉家道殷實起意行劫等語則梁

漢臣係此案盜首雖不入室搜贓亦應擬以法難寬宥照律斬決但細核該撫從前題叅疎防疏內據梁漢臣供稱小的因貧難度起意偷竊約了燕秀廷們到了事主庄外小的在坡看車燕秀廷等同進事主家他們是怎樣點燈照亮拿刀嚇人小的不知道夥盜陳備侯等亦供稱梁漢臣起意偷竊在坡看車燕秀廷入室點燈照亮恐嚇事主各等語是梁漢臣初供原係謀竊今該撫既稱梁漢臣起意為首行劫又稱該犯未登事主之門於本無可貸之中似稍可原情罪兩岐難成信讞事關強竊重案未便枉縱應令該撫秉公再行詳審務得實情妥擬具題到日再議奉

旨部駁甚是依議

起除刺字

外遣人犯到部刺字

雍正十三年六月刑部咨據江撫常 將行竊羅佐臣船上鍋壺等物案內擬發鄂爾坤人犯許三子解部發遣併將許三子面上刺鄂爾坤字樣前來查歷來外遣人犯各省咨解到部本部將該犯應發地方各刺滿漢字樣咨送戶部轉發並無各該撫將應發地方先行刺字之例蓋發遣地方不時更改若外省先行刺定則到部時遇有更改甚屬未便今該撫將許三子面上先刺鄂爾坤字樣殊屬不合應行令該撫嗣後咨解外遣人犯毋得先刺應發地方可也

援赦減流之犯免刺

乾隆七年八月刑部咨覆據廣撫王 咨稱唐阿辰係夥同吳文欽等行竊惠來縣民黃貽輔舖內銀物拒捕致傷專主身死之犯先經審擬斬罪並援方阿通等案將唐亞辰聲明援


赦免死減流聽候部議具題奉准部覆將唐阿辰減流等因隨查僉該犯妻室林氏業于康熙五十年九月內病故並未續娶取有該地方官印結送部併查名例內開竊盜遇

赦免刺今該犯既已援

赦減流似與免刺之例相符且從前方阿通亦未刺字則唐阿辰應請免刺先行發遣如應行刺字仍移咨配所補刺強盜字樣除將該犯遞解福建撫院轉發折責安置外擬合咨部示覆等因前來查唐阿辰係康熙四十八年三月內夥同已故吳文欽寺行竊拒捕致傷事主

身死援

啟滅流之犯應如該撫所擬免其補刺仍令該撫取具配所收管送部可也



奴僕在逃擅行刺字

康熙三十四年十月刑部覆湖督吳璵題應城縣監生陳世永將伊家僕面上刺逃僕字樣比照制書有違律杖一百嗣後若有擅將家奴刺字者係民照例擬杖一百官員生監照例折贖奉旨依議

發遣人犯清字解部補刺

雍正八年正月刑部咨據福撫劉 咨稱同安縣民李邦葉祖傳係
僉妻解部發黑龍江給披甲人為奴因清字無人諳曉其漢字未敢
遽行先刺相應咨部照例一併刺寫充發至閩省漢人不諳清字嗣
後有此等人犯請將漢字先行照刺其清字聽部刺寫發遣等因前
來應如該撫所咨嗣後遇有例應刺字解部發遣為奴人犯將漢字
先行刺寫解部其清字俟到部之日補刺發遣至李邦葉祖傳俟解
到之日照例面上刺字咨送戶部發遣可也

補遺

賊盜

強盜

迷拐幼女割筋刺眼令其求乞以供膳養

乾隆十年七月刑部會議覆南海縣民林亞貴等用藥迷拐開平縣民陳厚從幼女陳亞對一案據署廣撫策疏稱緣林亞貴貧無恒產與妻梁氏同李亞三駕船各處乞食適李亞三在途見有毒蛇記憶前在廣西撞遇不識姓名花子傳說可以作藥迷人遂將蛇擊死煨灰携回船與林亞貴商量迷拐幼孩乾隆九年七月十五日船至開平縣屬赤勘地方適該村做醮出會林亞貴起意令妻梁氏扮作良家婦女看會給與迷藥迷拐幼孩梁氏往街見陳厚從之女陳亞對持錢買餅梁氏將藥放於陳亞對頭上手撫摩陳亞對昏迷隨

跟梁氏走至船邊林亞貴強抱下船陳亞對叫喊梁氏手掩其口當
卽開船十九日行至新寧偏僻河面林亞貴令梁氏將陳亞對捆綁
灌以朦汗藥酒梁氏將船板壓住陳亞對背脊李亞三捉住手脚林
亞貴用剃刀先後割斷陳亞對手脚各筋梁氏復持針刺瞎陳亞對
兩眼致成跛躄欲圖叫化錢文以供食用八月初六日林亞貴船至
新會縣城將陳亞對背負上街令其求化時有陳厚從隣村醫生鄧
榮宗在彼賣藥認識陳亞對面貌詢知情由報知街坊汛兵拿獲林
亞貴時值該縣張世燦調赴入闈稟送署縣丞施有正查訊供出梁
氏李亞三拘獲審解屢審各認不諱除李亞三取供後病故不議外
查律載採生折割人者凌遲處死爲從加功者斬註稱取生人耳
尸臟腑爲妖術以惑人故特重之又例載若以藥餅及一切邪術迷
拐幼小子女爲首者立絞爲從分別改遣各等語今林亞貴梁氏迷

拐陳亞對割筋刺眼令其化錢非爲妖術惑人若依採生折割律以
凌遲似屬過重若僅照迷拐之例分別絞遣置折割于不論未免過
輕查強盜律內若以藥迷人圖財者罪同但得財者皆斬等語林亞
貴梁氏將陳亞對折割欲其化錢供給食用實與以藥迷人圖財者
事異而情同將林亞貴梁氏比照以藥迷人圖財律均擬斬立決先
行刺字并聲明律無正條恭候

諭旨遵行等因具題除李亞三取供後病故不議外應如該署撫所題林
亞貴梁氏應比照以藥迷人圖財者斬律均擬斬立決仍將林亞貴
梁氏律無正條比擬科斷之處照例聲明恭候

諭旨遵行該署撫既稱起獲船隻錢物變價給付陳厚從爲醫女衣食之
費林亞貴駕船飄流海面乞食並無保隣知情亦無同居父兄伯叔
與弟止有幼子一口飭發育嬰堂收養陳亞對已經該縣着令陳厚

從顧回調治地保關亮先醫生鄧榮宗先行省釋鄧榮宗仍飭給賞等語均應如該署撫所議完結再該署撫疏稱李亞三係應擬斬決之犯因患傷寒急症在番禺縣監故所有監斃管獄職名係署番禺縣典史事河泊所大使湯紹祖相應開報聽候部議至承審止病斃一名例得免議職名免其查開又林亞貴等在開平縣地方迷拐陳亞對下船當即開行直至新寧縣偏僻河面割筋刺眼文武員弁無從稽查後至新會縣城南經上街叫化即被拿獲失察各職名免其開報等語查定例斬絞重犯監斃一人者管獄官罰俸一個月又定例承問官將實在人犯雖限內取有口供不早行題結監斃一二人者免議又定例各省地方如有迷拐等事不行嚴禁之州縣捕官失察武職帶汛官罰俸一年印官武職兼轄官罰俸六個月等語除此案承審止病斃李亞三一名例得免議應毋庸議外應將監斃斬犯

李亞三之署番禺縣典史事河泊所大使湯紹祖照例罰俸一個月再該署撫疏稱林亞貴等在開平縣地方迷拐陳亞對下船當即開行至新寧縣偏僻河面割筋刺眼文武員弁無從稽查後至新會縣城南經上街叫化即被拿獲失察各職名應免開報等語除林亞貴等甫至新會縣即被拿獲地方官無庸議處外其林亞貴等在開平及新寧地方迷拐折割肆行不法實由地方官平時不稽察嚴禁所致不便免議應行令該撫將失察各官職名查叅到日再議奉旨林亞貴梁氏俱着即處斬餘依議

方志類考

卷一

